




大燈語錄

呂

八波  
1562  
2







龍寶開山特賜興禪大燈高照正燈國師語錄

侍者

性智

編

師於嘉曆元年十二月八日開堂

拈衣云千尺不過丈六雞足不如大德何故牽衣云  
頂戴披之誰辨正色

陞座拈香云此一瓣香爇向爐中恭為祝延  
今上皇帝聖躬萬歲萬歲萬萬歲

陛下恭願

龍圖永固玉葉弥芳

次拈香云此一瓣香爇向爐中恭為祝延

太上天皇聖壽億萬歲恭願超上德於千載樹風





聲於後昆

又拈香云此一瓣香奉為金紫光祿大夫黃門侍郎  
增崇祿筭伏願松柏之壽甫申之幹柱石國家撫育  
生民

此一瓣香奉為光重法筵諸尊官洎滿朝文武百僚  
增崇祿筭伏願安國利民齊伊周之古術乃忠乃孝  
稱思軻之正範

此香在雲門關裏又為衲僧鎖口訣曾拾得於鎌倉  
縣畔巨福山頭和氣鬻然囊藏二十季來香風隱而  
弥露今日拈出藝向爐中供養前住建長禪寺教謚  
圓通大應國師南浦大和尚用酌法乳之恩

師就座顧視大眾云便恁麼相見早隔五須弥若也  
待開口三生六十劫還有知个中事底麼出來對眾  
決擇看有麼有麼僧問雪山雪寒吾佛成道法堂  
功成和尚開堂建法幢立宗旨正在此時諸官臨筵  
請師提唱師去國清才子貴家富小兒嬌僧去直將  
一句無心法仰祝萬國泰平瑞師去滿口道著僧去  
記得慈明開堂有僧問攢錦簇花即不問如何是本  
來面目明云一言已出駟馬難追此意如何師去石  
從空裏立火向水中焚進去僧云明明三際曉皎皎  
一輪孤明云一輪底亦作麼生意在那裏師去魚龍  
穴下盤根闊日月輪邊氣象深進去僧去洎合放過



明便喝如何辨端的師云劫石易消村話難改進去  
上來一一蒙指示只如和尚今日開堂說法當機覲  
面如何接人師云眉毛厮結準上厮拄僧云作家宗  
師天然有在便礼拜師云且緩緩又云更有問話者  
麼又有僧問記得龐居士辭藥山居士指空中雪云  
好雪片片不落別處意旨如何師云難提掇處轉有  
則僧云時有全禪客云落在什麼處士打一掌又作  
麼生師云八角磨盤空裏走僧云全云居士也不得  
草草士云汝恁麼稱禪客有人不放汝在如何委悉  
師云咬定牙關僧云全云居士作麼生士又打一掌  
意在那裏師云多添少減僧云虛堂祖翁云雖則是

兩掌其間有擡有搦有收有放如何辨別師云到此  
大行僧去上來已蒙慈悲向上宗乘事如何幸唱師  
云千峰雪白萬壑風寒僧云老師果是人天大導師  
便礼拜師云許你歸衆去

乃云我本無心有所希求冰鎖瀑泉聲細碎今此寶  
藏自然而至風搖寒木影孿峯况我宗印禪者与海  
南檀越冒穿谷攀幽林親擇巨材堆山積岳控溪永  
与海通鯨波嶮處獨解透路驅白牛於露地結軌於  
百里鳩成風於大野響斧於一城或費郊外丁夫或  
勞山中普請樹雲間之朱堂布五彩之檠椽安燈王  
之廣座莊三道之寶階區區役役今日開堂高答君



臣徧報過現未來大覺海中一切聖賢生生所參見  
諸善知識衆中衣鉢道友師僧父母一切恩門一切  
含靈爲便是自然而至爲復是從功而成諸人於此  
全得去山僧不必解說若也不會曲勢速說擊拂子  
云所以前釋迦不前後弥勒不後無邊刹境自他不  
隔於毫端十世古今始終不離於當念一毛頭上現  
寶王刹一彈指頃轉大法輪雖然如是猶是建化門  
中事也向上宗乘事又作麼生又擊一拂子云有意  
氣時添意氣得風流處且風流小比丘妙超忝遇  
君聖臣賢不忘靈山付囑太平得路成此梵刹敷揚  
正法眼藏祝延 聖壽無疆山河大地草木叢林情

与無情同蒙光輝共力拜手妙超下情不勝感涕屏  
營之至

復古昔日卅尊六季戴雪頭上安頤明星忽現眼皮  
橫綻從此無端解道大地含識具个如來智慧德相  
大衆若是大地衆生各各自有生涯從且至暮從少  
至老每日起坐經行一是一非瞥喜瞥瞋並是佗家  
活脫生涯也何必貴如來智慧德相後代兒孫得被  
者老漢惑乱往往安禪靜慮刺腦入膠盆以悟爲望  
佢緣木求魚謂之望上心不足大須辜負卅尊出世  
本志且問諸人上來既道後代兒孫被佗惑乱今也  
便道大須孤負佗出世本志是褒卅尊是貶卅尊若



道讚嘆因甚有惑亂之言若道誹謗亦何有孤負之  
詞或道褒貶隨時未免隨語生解更道褒貶不施失  
却古佛家風直饒道總不恁麼明知莽莽鹵鹵去畢  
竟意在那裏所以山僧曾有一頌明星一見雪重白  
眼裏瞳人毛骨寒大地如無知此節釋迦老子出頭  
難只如道眼裏瞳人毛骨寒是什麼時節若能恁麼  
去日用四威儀中壁立萬仞孤迥迥巍巍如天普  
覆如地普載如虛空含容如日月照耀因甚如此今  
日鵬月八

奎太宗皇帝因僧朝見帝賜坐問云卿甚處來僧奏  
云廬山卧雲庵帝云卧雲深處不朝天因甚到者裏

僧無對師驀拈拄杖去太宗威容嚴肅機晤宏遠者  
僧寢默俛仰不失其礼只如後來雪竇明覺大師代  
云難逃至化又作麼生卓拄杖一下云四海而今清  
似鏡三邊誰敢犯封疆

正且謝兩班上堂僧問日暖風和萬物新相逢便拜  
又相賀三乘五性不用問應節一句如何幸揚師云  
分明記取幸侶諸方僧云記得僧問趙州如何是趙  
州州云東門南門西門北門此意如何師云黑漆桶  
裏洗墨汁進去僧云不問這个州去你問趙州意在  
那裏師云烏龜鑽壁進去某甲不問趙州又不問老  
師只是有一問請師答話師云莫向那僧背後問訊



進云怎麼則大衆露恩孝人礼謝師去只要實到与麼地進云領重重相為師去領底作麼生進云也是不空師去不因今日節

乃橫按拄杖云寅朝乍臨正景新至梅梢舒瑞氣幽鳥報賀音左右壯保愛之節東西開納祐之門崑崙步入祥麟穩海樹飛來自鳳閑卓拄杖下座

元宵上堂僧問昔日西天迦葉初傳燈未審如何是初傳底燈師去夜半正明天曉不露進云迦葉已傳之龍潭為甚吹滅師去倒騎牛入佛殿進云後來有僧問香林如何是室內一盞燈林去三人證龜作鼈是答迦葉底答龍潭底師去盡中天地别有日月進

云只如道三人證龜作鼈作麼生辨端的師去石人相耳語進去忽有人問如何是室內一盞燈師去紫羅帳裏撒真珠進去怎麼則動地放光放光動地便礼拜師去大家自知

乃去燈燈無尽燈光明千萬里捏聚也不即放開也不離一片虛凝宇宙寬不知燃燈為誰記以拂子擊禪床一下便下座

二月旦上堂僧問春色無高下花枝有短長花枝短長人人知如何是春色底師去山擎海浸僧去記得仰山問僧近離甚麼僧去廬山此意如何師去解笑底也少進云仰山去曾遊五老峰麼僧去不曾遊又



作麼生師去邯鄲李唐步進去仰山大闍黎不曾遊  
山如何辨端的師去黃金賤不如泥土貴進去雲門  
大師去此語皆爲慈悲之故有落草之談意在那裏  
師去聽教兩頭走僧去若不登樓望焉知滄海深便  
禮拜

師乃去春風浩浩春鳥喃喃春雲冉冉春水漫漫  
時哉時哉時何孤負一任諸人東看西看忽有个漢  
出來道老和尚只知其時不知其節今朝天寒雪下  
如冬山僧向他道我餘一件事引得你一問

佛涅槃上堂僧問春色依依花木芳菲雙樹因甚一  
祭一枯師去古今与麼見進去怎麼則人天悉莫見

世尊所入三昧麼師去泥人眼赤進去記得德山一  
日齋晚老子托鉢自方丈下來此意如何師去步步  
生荆棘進去雪峰去鐘未鳴鼓未響老子托鉢向什  
麼處去又作麼生師去相見易得好進去德山低頭  
歸方丈如何辨端的師去閤室截燈進去石頭聞去  
大小德山未會末後句在還諦當否師去斷絃須是  
鸞膠續進去德山云你不肯老僧那意言作麼生師  
去誰知只是有受璧心進去石頭密啓其意勸師去  
覽尽瀟湘景和船入畫圖進去德山次日陞堂果与  
尋常迥殊如何理會師去法出巖生進去石頭拊掌  
謂大衆云且喜老漢會末後句意在邯鄲師去事久



多變進去孝人今日小出大遇便禮拜師去兩肩擔  
將歸去

乃去世尊臨入涅槃以手摩脅普告大眾云汝等諦  
觀我紫磨金色身驀然起主文去者个是大德拄杖  
子阿那个是金色身諸人一見便見不妨一得永得  
其或未然山僧設諸人去百億須弥百億日月恒沙  
國土恒沙諸佛尽在拄杖頭上增添金色身光莊嚴  
涅槃妙相諸人還見麼若尚未見卓主文云年年二  
月花狼籍

三月半上堂僧問不得春風花不開花開須藉春風  
力不知春風有什麼力師去還覺腦門冷麼僧去馬

大師与百丈行次見野鴨子飛過大師去是什麼意  
旨如何師去罕遇此門僧去丈云野鴨子大師去什  
麼處去又作麼生師去爭之不足僧去丈去飛過去  
也大師遂扭百丈鼻頭如何識取師去打馱聽馬知  
僧去丈作忍痛聲大師去何曾飛去攣師去爵飯餵  
嬰兒僧去大師次日陞堂眾繞集百丈出卷席意在  
那裏師去金不搏金僧去大師便歸方丈問百丈我適  
來上堂未曾說法你為什麼便卷却席如何商確師去  
樂則共樂僧去丈去昨日被和尚扭得鼻孔痛還端  
的也無師去風吹不入僧去大師去你昨日向甚處  
留心此意如何師去遊子乍聞征袖濕僧去丈去今



日鼻頭又不痛也如何理會師云水洒不著僧云大  
師云你深知今日事是何道理師云貴買賤賣僧云  
丈乃作礼却歸侍者寮哭意又作麼生師云攢簇不  
得僧云同事侍者問云你哭作什麼丈云你去問取  
和尚如何辨別師云那吒撲帝鐘僧云侍者遂去問  
大師大師云你去問取他看意在什麼處師云從來  
疑著个老僧云侍者却歸寮問百丈丈却呵呵大笑  
如何委悉師云老解冰消僧云侍者云你適來哭而  
今爲什麼却笑丈云我適來哭如今却笑是什麼心  
行師云唱九作十僧云可謂親言出親口師云不如  
礼拜好僧便礼拜

師乃云桃花紅李花白靈雲玄沙立阡陌相爭祖道  
不敢休其勢不生多韜略春雨自知斷和句濛濛洒  
去空蕭索兩兩三三解歸根四維上下難尋覓既難  
尋覓因甚得大地載起喝一喝云放過一著

謝龍藏主上堂山僧拂子說三種禪忽豎起拂子云  
此是換却佛祖眼睛底禪亦打一圓相云此是指出  
人天性命底禪擊禪床一下云此是發雲雨大用底  
禪雖然如是若是自非一氣轉得一截底人爭能消  
得多少風

佛生日上堂僧問世尊今日降下未至地九龍吐水  
洗金軀早是一場敗缺和尚要雪屈也是泥裏洗土



九  
塊師云狗嘴赦書進去指天指地金蓮棒是因甚脚下紅絲線不斷師云要知山上路須問去來人進云韶陽老人正令方行諸方未免將錯就錯師云夜行莫踏白不水定是石進云不因老師點發容易難離慈願師云月到中峰猶未歸進云三十年後此話大行師云馬無千里謾追風

乃云本不曾上天何論下天本不曾託胎誰說出胎所以道淨法界身本無出沒既然如是因甚東家杓柄長西家杓柄短會得各各惡水鷺頭潑不然齊之以礼

結夏小參僧問德山小參不答話有問話者三十棒

佗家親切處如何識得師云來者不來去者不去進云趙州小參要答話有問話者置將一問來又作麼生師云買價破大例進云風從虎雲從龍豈莫是用雲一般麼師云且喜沒交涉僧云孝人今夏依附和尚未審作麼生下手脚師云莫錯幸

乃云西天鵝護之限聖制臘人之期衲子慧身之時吾家禁足之方明月軒畔清風匝地看雲亭邊竹影拂階按此圖竟伽藍聚集四聖六凡於此平等性智安居情与无情只如七佛祖師三處度夏還出得這裏也无諸人若點檢得出九十日內不敢孤負重豸若也點檢不得卓主丈云金剛眼睛十二兩



復幸世尊一日陞座文殊白槌去諦觀法王法法王  
法如是世尊便下座師拈去大湖浸月長橋卧波若  
非高吟大嚼爭能賞此時情雖然風流可觀其奈  
得便宜處落便宜具眼禪流請辨緇素看

次日上堂僧問納僧个个氣宇如王今朝因甚坐在  
區宇師云畫餅充飢進云若也論此事如青天白日  
更向甚麼剋期取證師云路入桃源深更深進云慈  
明問黃龍雲門三頓棒洞山可喫不可喫意在那裏  
師云兩箇蕤梨進云黃龍云可喫還端的也无師云  
直饒山好也難藏進云明云終日鴉鳴鵲噪喫幾棒  
意作麼生師云一種是聲无限意有堪聽有不堪

聽僧便禮拜

師乃幸五祖云今日結夏无可供養大眾作一家宴  
管待諸人遂牽手云羅羅招羅羅遙羅羅送莫怪空  
疎伏惟珍重師云五祖老人與麼家宴可謂管待千  
足百味无欠雖然如是只是有一時之慶快大德今  
日結夏也有个家宴坐者立者俱成万年歡見者聞  
者同唱太平歌且道其中節拍又作麼生以拂子擊  
禪床一下云薰風自南來殿閣生微涼

謝首座書記藏主秉拂上堂西來呈師厚雲樹待遇  
脚底如馬踏慈明堂與法系於其時人平度乎後之  
視今如今之視古何也智藏發光寶鞭影擊拂子下



座

謝良和典座上堂率金牛每日齋時自將飯於僧堂前作舞呵呵大笑云菩薩子喫飯來師云金牛和尚勢在細嚼難飢只是衆口難調大德今夏屋裏得有人一家自然不聞吾臂酸諸人要知此人麼卓主丈云發而當節言之和

端午上堂僧問文殊令善財採藥善財云尽大地无有不是藥者此意如何師云穿靴水上立僧云文殊云是藥採將來意在那裏師云六雙骰子一時赤僧云善財於地上拈一莖草度与文殊意旨作麼生師云此舌頭頂相僧云文殊云此藥亦能殺人亦能活

人如何識得師云貓兒打筋斗僧云應病与藥是古來家風和尚作麼生醫无病人師云黑蛇入漆甕僧云与麼則大法緊要之處誰敢假駝駝藥師云波斯不過江

乃云端午天中節諸方尽呪土書壁以消妖怪認採藥模樣百草頭上做伎倆我者裏个个石人之機个个鏤漢之用水洒不著風吹不入鷲拈主丈卓一下云森森夏木杜鵑啼

上堂僧問記得良禪客問欽山一鑊破三開時如何山云放出閨中主看意旨作麼生師云水底弄傀儡進云良云恁麼則知過必改山云更待何時如何領



略師云一字不著點進去良云好箭放不著所在便  
出去未審還有出身處也无師云楚山入漢水進六  
山云且來閣梨良回首山把住云一鏃破三關即且  
止試与欽山發箭看意在那裏師云天不保惡進云  
良擬議山打七棒云且聽這漢疑三十年請龍在什  
麼處師云古殿坐者少進去學人若不逢个節爭敢  
知个事便禮拜師云實須到与麼地  
乃云法法本來法心心无別心日午三更後相喚當  
樹陰話尽甘泉之景聯成羅含之吟品藻鷹鳩之變  
嘉山耳德之音拍手笑呵呵真鉢不博金喝一喝云  
待者与我點茶來

半夏上堂半夏已前事諸人知而山僧不知半夏  
已後事山僧知而諸人不知正當今日半夏知則共  
知不知則共不知還會麼良久云三段不同收歸上  
科

上堂僧問世界恁麼熱宇宙炎炎不知向什麼處得  
回避師云清機歷歷掌僧云王常侍一日訪臨濟同濟  
在僧堂前乃問這一堂僧還看經麼濟云不看經意  
在那裏師云石壓笋斜出僧云侍云還學禪麼濟云  
不學禪意言作麼生師云崖懸花倒生僧云侍云經  
又不看禪又不學畢竟作个什麼濟云揔教伊成佛  
作祖去到者裏如何領略師云調達不得肯僧云侍



去金屑雖貴沒眼成翳濟去將爲你是一個俗漢還端的也无師去踈田不貯水僧去若恁麼不來爭得恁麼去師去且看脚下

乃去一法若有昆虛墮在九夫刀法若无普賢失其境界拙主丈去者個是大德拄杖子阿那個是有无道得与不道得朝打三千暮打八百擲下主丈下座

七月且上堂僧問暑退涼生樹凋葉落時節因緣不和護如何是个中事師去大家多生機進去記得僧問雲門不起一念還有過也无門去須弥山作麼生領會師去莫教平出進去有僧問虛堂老師此意如

何虛堂去買鍊得金意在那裏師去也是可惜許進去今日問和尚不起一念還有過也无未審如何祇對師去三生六十劫進去与麼則昔日雲門今日和尚便礼拜師去礼拜得始得

乃去昨見垂楊綠今看落葉黃祖師搥搥事物物不隱藏者个葛藤即且致向針筒鼻孔裏倒道將一句來若无人道得聽取山僧爲你說破

解夏小參僧問和尚一夏以來爲衆勞手脚未審成得什麼邊事師去崑崙嚼生鍊進去恁麼則誰敢辜負和尚師去放你保殘生進去記得臨濟示衆云赤肉團上有一无位真人常從汝等諸人面門出入未



證據者看看意旨如何師云不較多進去時有僧出問如何是无位真人濟下禪床把住云道道又作麼生師云若不道取爭得珠轉進去其僧擬議濟托開云无位真人是什麼乾屎橛便歸方丈還端的也无師云半開又半合又有僧問記得僧問雪峰乞師指示峰云是什麼如何兼當師云劈腹剜心進去其僧於言下大悟也是見什麼道理師云捨長就短進云雲門云雪峰向伊道什麼未審節文在甚麼處師云錮鑊著生鎖進云古德底且置和尚直下作麼生指示師云速退速退妨化別人請問進去不因今日節誰敢恁麼去師云更有露柱在

乃去法歲周圓聖劑已滿我者裏荒涼爽氣最容与不論取證淺深不分賞勞輕重攀白雲而高捲追秋風而長嘯你汝東西任情逍遙草鞋跟寬无不活路若逗到崑崙山頭佗喬尸迦忽相逢問過葛籬一句只將隔手底祇對不然五門猛獸欺你在

須幸翠巖裏未示衆云一夏已來与兄弟東說西話看翠巖眉毛在麼保福云作賊人心虛長慶云生也雲門云開師云諸方尽謂俱出隻手扶豎宗風殊不知巨鼃莫戴三山去吾欲蓬萊頂上行

次日上堂僧問今朝正是解制自恣之辰不知何處是納僧遊戲之場師云來鋒有路進去恁麼則十洲



三島草鞋底鴈蕩天台拄杖邊師去也何好進云僧問雲門初秋夏末前程忽有人問如何祇對曰云大眾退後作麼生領會師去因邪打正進云僧云心在什麼處門云還我九十日飯錢來意在那裏師云大慈妨小慈進云今日忽有人問著作麼生祇對師去三句前兩句後

乃華臨濟道有一人論劫在途中不離家舍有一人離家舍不在途中那个合受人天供養師去諸人要向者裏道取須向那裏透過若是人天供養秋風吹渭水落葉滿長安

計進退兩班上堂納僧家尋常用底豈止乎虎視龍

望為世所推進一步則突出威音王已前退一步則爍迦羅眼裏藏身因甚如是擊拂子云天際日上月下檻前山深水寒

八月旦上堂僧問槿花疑露梧葉鳴秋此中現成事如何提唱師去荅猶未了進云幾人得与麼去師去只許阿你一个進云肅宗皇帝問忠國師如何是十身調御國師去檀越踏此虛項上行甚在那裏師去不妨脚下紅絲線不斷進云帝云寡人不曾國師去莫認自己清淨法身又作麼生師去至山驕寨山進云忽有人問如何是十身調御未審和尚如何祇對師去背短臂長進云恁麼則西風一陣來落葉兩三



片師去三十年後

乃去秋雲弄秋風秋色蘸秋水氣清如時清道泰似情泰禮者之雅與道人之嘉景頭頭上顯露物物上現成卓至去是則是三十年後有人加勸沮去

中秋上堂問靈山記月曹溪指月到者裏如何辨端的師去三山帽大袖衫僧去馬大師翫月次問西堂百丈南泉云正當与麼時如何西堂云正好供養意旨作麼生師去波斯讀尚書僧云百丈云正好修行又作麼生師去掃地添銅瓶僧云南泉拂袖便行齊在那裏師去起席不謝坐僧去大師去經歸藏經歸海只有普願獨超物外如何委悉師去神箭三匝

白猿號僧去古人請訛蒙和尚已呈露和尚請訛蒙未審何人點檢師去天高蓋不尽僧去不因恁麼問爭識恁麼事師去更須買草鞋僧去深沈滄海恩波闊皎潔秋空氣象高師去如道著須用著

乃去秋中秋月中月四萬二千清光五十由旬靈關明明重明明皎潔受皎潔指与話俱納敗缺納敗缺還照絕无物堪比倫敦我如何說

上堂問雲門因僧問如何是法說門去大眾久立連礼三拜意旨作麼生師去還我話頭來進去如何是隨意說門去晨時有粥齋時有飯又作麼生師去一任乱咬進去如何是隨宜說門去三德六味施佛



及僧如何理會師云薤園裏賣葱豈進去如何是方便說門云是汝鼻孔重三斤半竟在那裏師去露柱退後進云如何是大悲說門云歸依佛法僧如何辨端的師云放你三十棒進云雲門一二答話畢竟明得个什麼邊事師云南地竹北地木進去不因夜來鴈爭見海門秋便禮拜師云莫錯幸

乃云功高二儀而不仁明喻日月而弥昏聩公只知從事中得不知從事上得且道從事上得底作麼生良久云殘葉賦題紅片片遠山供望碧曾曾重陽上堂僧問九九佳節謂之重陽只向者裏領去是幾幾機師云什麼家收拾得進去与麼則逢人須

說三分話未可全拋一片心師云六脚蜘蛛上飯床進云豈不是老和尚出人妙手師云你因什麼得到与麼地進云東西南北歸去來師云猢猻搗仙菓乃云只愛菊花發紫藥不喜聞彭祖之術只愛秋露凝赤萸不憂忘稚川之說不憂不喜善哉个重九節擊拂子下座

上堂雲門云許多大栗子喫却幾個有人喫得三个韶陽吐却五个有人喫得五个韶陽吐却十个者个些子緇素辨得出山僧个半院与你閏月旦上堂拈拄杖云一切諸佛及諸佛阿耨多羅三藐三菩提法皆從此經出卓拄杖一下云看看大



德拄杖子爲你諸人此經科分大義理一一指注而見諸人猶不知不了高聲唱云四時禁土節三年有一閏又卓一下

上堂黃葉滿地塞鴈橫空彼此出家彼此行脚佛手遮不得人心侶等閑更擬問如何當頭霜夜月任運落前溪

開炉上堂僧問薛柯黃葉已成堆整頓圍炉就地開時節一句如何體會師云莫教擁山被進去有人剎那去亦如何師云前言不副後語進云趙州示衆云三十季前南方火炉頭有个无賓主話直至而今无入幸著意在裏師云三个柴頭品字燒進去未審

有甚麼難幸著麼師云近之燎却面門進去學人進前退後自由自在是幸著不幸著師云且過者邊著進去便是兩彩一賽底師云大有人點頭進去不入虎穴爭得虎子便禮拜師云相識滿天下

乃大法昌十六高人怕寒懶剃髮趙州无賓主話愛煖頻添櫛櫛柴大德門下終不向針頭削鍊何也今日十月一開炉免帽子

謝監收維那上堂齊之則泥土舒天顏約之則水滴難以通恁麼並勞致今各各投其方圓之器安其上下之居是謂之紀綱清嚴收放有則及乎究其端由豈止還丹一粒點鍊成金



上堂卓主丈去拄杖子若不相當是什麼物得不相當便下座

冬至小參僧問一氣潛通万彙發生不涉時節願聽提唱師云鼻孔占却三畝之地進云瀉山問仰山前冬嚴寒年年事畢運推移事若何仰山近前又手而立意旨如何師云一字入公門九牛車不出進云瀉云誠知子答者話不得又作麼生師云見人言其常歡喜進云時香嚴至瀉山幸前話嚴去某甲偏答得者話瀉復問嚴亦近前叉手而立如何領略師云借皮安裙子拜婆年進云瀉云賴遇寂子不會畢竟如何師云鷄鳴不著時隣人半夜行進云今日有人問

仲冬嚴寒年年事畢運推移事若何未審和尚如何祇對師云夜聞祭鬼鼓朝聽樂神歌進云与麼則來日一陽生便礼拜師云一任記取

乃去陰魔消尽陽氣發时无硬地律管先知瓏頭梅綻不萌枝直得皓老布毳麻線易通鏡清卧單緋緝難開縱饒迄于道所以陰陽不測者空洞无象所以造化不宰者潛微幽隱也未是出書雲令其景故山僧只望以五日爲一候以半月爲一氣之流漏此个仲冬嚴寒事物對偶機其或似阿旁曳衣底東山水上行

復幸慈明冬至榜師拈去東弗干代日下東西瞿耶



尼月氏西解笑者多解哂者少若也今晚放參一冬  
二冬又手當會

因雪謝寺齋秉拂上堂演出普賢信口偈擎來香積  
无尽飯要知兩彩一賽麼卓主丈一下云吽吽有  
什麼譚譚飽子快下將來

謝兩班上堂諸佛放光明助發實相義釋迦老子非  
但當年之益且要使吾沙門於五濁惡世中闢諍堅  
固時拋却人我擔子除却高下情謂互作主伴个實  
相无相微妙解脫法門久住於世間全億劫利濟實  
相義且致如何是諸佛放光明良久云東山拍手西  
山舞

因雪上堂危木風寒空山雪白鹿懸枝頭藏身家  
鷄塢氣索住住佗人任愛我不任佗人行愛我不行  
不是与人難共聚大都細素要分明喝一喝

臘八上堂僧問釋迦老子半夜逾城雪山六季一麻  
一麦是什麼心行師去針鋒頭上翻筋斗僧去正當  
明星現時忽然悟去還端的也无師去偈地擎山不  
知山之孤峻僧去只如一人發具歸源大地衆生在  
什麼處師去金剛腦後三斤鐵僧去釋迦老子頭言  
倒語去奇哉一切衆生悉具如來智慧德相既是无  
風起浪如何得太平去師去寒雨洒空寒風匝地僧  
云學人今日小出大遇便礼拜師去撒手那邊去



乃大半夜逾城直上雪山既是道士擔漏卮更說於  
明星現霎忽然悟去大偈捏目見空花大德未嘗不  
醒烏頭養雀兒卓至文云南斗七北斗八

歲旦雪下上堂昨夜大雪昨夜大雪今朝新歲雪雪帶  
舊年寒風和新歲節阿呵呵我家好惡難向後絕灾  
禍絕灾禍東西南北皆可可能實從茲却竈大

上堂意到句不到二三四五六七句到意不到七六五  
四三二忽然意句俱到時又作麼生良久云花開不  
假栽培力自有春風管待伊

三月且上堂煙霞影裏春風聲中山桃紅綻岸柳華  
濃无限幽情叵遮掩莫教舞蝶一襲襲

三月半上堂僧問初冬當行十方坐斷則不問只於  
春風拂拂時節願聞親切一句師云雲霞綠楊堪繫  
馬進云長沙一日遊山歸門首首座問云和尚什麼  
處來沙大遊山來意旨如何師云家家門路透長  
安進云首座云到什麼處來沙大始隨芳草去又逐  
落花回如何頌略師云落霞與孤鶩齊飛首座云大  
似春意沙云也勝秋意滿美葉謂前在那裏師云春  
水共長天一色進云雪覆著語云滿堂話如何意  
師云一臥之地三蛇九虺進云古人悲喜無常師云  
崑崙壽生鍊進云不因揚得意爭識馬和如便禮拜



師大嘆

乃幸僧問風穴語默涉離微如何通不犯穴去常憶江南三月裏鷓鴣啼露百花香語人要見風穴麼只識取常憶兩字其如未然離微涉通品

四月旦上堂僧問鵲噪柳絲亂龜遊荷葉顛此中現成事未審如何提唱師去青青不入時人意僧去瀉山示衆云有句无句如藤倚樹意旨作麼生師去八十翁牙根堅僧去踈山去忽遭樹倒藤枯句歸何處又作麼生師去見之不取思之千里僧去瀉山放下泥盤呵呵大笑意在那裏師去黃連未是苦僧去獨眼龍去敬滿山笑轉前如何委悉師去屋裏帶揚

州僧去踈山言下知歸乃去瀉山笑中元來有刀還端的也无師去誰知席帽下元是昔愁人僧云上來一一衆指示向上宗乘又如何師去拄杖頭上挑日月僧去不行尊貴路爭踏上頭閑便禮拜師去好看脚下

乃拈拄杖卓一下云有人偈者个觸家集著磁著有

人不偈者个觸家集著磁著有  
云滿地落花春已過綠陰空鎖重門又卓一下  
僧云生上堂僧問世尊初降生指天指地周行七步云天上天下唯我獨尊意旨如何師去日出乾坤輝僧去雲門去我當初若見一棒打殺狗子喫肉圖



天下太平端的在那裏師太知具方辭報恩僧太雪  
寶云我當初若見便与撒倒禪床又作麼生師云鬼  
爭漆桶僧云只如今朝諸方出手灌沐金盥与二大  
老用爰是同是別師云千年田八百主僧云千峰勢  
到岳邊止万派聲歸海上消便禮拜師云也何妨  
乃云將三界二十八天作个佛頭將金輪水際作个  
佛脚將四大州作个佛身將一切情与无情作个佛  
脾胃肝膽如是則諸人尽在不佛肚裏起坐經行若  
也在肚裏爭能灌沐淨智班嚴功德身若道灌沐无  
妨向甚處安身立命擊拂子下座

計云小衆僧問高亮如馳聖制已臨正當恁麼時請

師提唱師云好只与麼去僧云如何是圓覺伽藍師  
云逼塞虚空僧云如何是平等性智師云月白風清  
僧云畢竟如何安居師云直饒恁麼也未真僧云若  
个則且置和尚莫別有結制底一句麼師云前三三  
後三三僧云可謂石長无根樹山藏不動雲便禮拜  
師云道得始得

乃云古來有一段事常時明明如日向之隔千里背  
之在目前得而難收通而難親所以西天於三月九  
旬中聚集四聖六凡以大圓覺爲我伽藍身心安居  
平等性智寶山今夏也随例結个聖制不見粥飯精  
鹿不分茶湯清醎随根機忍耐任肚皮大小整頓手



脚護惜黑柱只是許堆堆地不許成就慧身何故卓  
主丈云鼻孔元來掛上唇

復幸古德道若是全幸揚宗乘你等諸人向甚處領  
會所以古今獨露隱顯无方師拈古德大侶王母  
獻七枚神挑乘彩雲之擎和明月而去也

次日上堂僧問一峰雲片片雙澗水潺潺莫是二千  
年前消息麼師云認著却不是進云古者道護生須  
是殺殺盡始安居會得个中意鑊船水上淨意旨如  
何師云能有幾個進云如何是護生須是殺師云何  
必恁麼進云如何是殺盡始安居師云一向无孔鑊  
船進云如何是个中意師云豈獨孤負進云鑊船水

上浮又作麼生師云下載清風付与誰進云如何  
行西天暮歸東土還有禁足底道理也无師云路途  
雖好不如在家進云恁麼則十州三島鶴乾坤四海  
五湖龍世界師云分身兩處看

乃云經行及坐卧常在於其中既而如是今朝日甚  
別立規矩禁足護生還會麼良久云以大圓覺爲我  
伽藍身心安居平等性智

謝首座書記藏主秉拂上堂拈主丈卓一下云夙穴  
去若立一座家國興盛野老頓成靈寶頌云野老從  
教不展眉且圖家國立雄基山僧要与拂子知其人  
不如雲門見孫有三句鉢調又卓主丈下座



五月且雨下上堂寒霏梅雨洒危簷五月山房冷  
冰雪實老老大大向諸人面前翻筋斗若人見得拖  
泥帶水

某午上堂僧問和尚從來應个節个時作麼生与人  
看師云不肯為你進去既能恁麼會去一生參學事  
了畢也无師云合取觥觥著進去記得文殊令善財  
採藥善財云尽大地无有不是藥者此意如何師云  
相去多少進去文殊云是藥採將來善財拈一莖草  
度与文殊意在那裏師云少一時不生刺一時不死  
進去大家鍊團圓无有一个病未審文殊為誰要藥  
師云專為七佛進去善財因甚將錯就錯師云家无

小使不成君子進去和尚与麼答話為甚与文殊善  
財雪屈為復是古今一路行師云岸谷无風徒勞展  
掌進去若不因今日節爭知作家拈截便礼拜師云  
叫

乃云今朝是五月五不用桃符白澤只誦誦佛祖至  
靈大神咒消滅一切障難成熟一切吉事且道那个  
神咒振威喝一喝

上堂僧問今朝為法大衆雲集未審和尚說个什麼  
法師云家家觀世音進去正与麼問學人如何得領  
略去師云拈起鉢箕別處表進去記得僧問趙州狗  
子還有佛性也无州云无此意如何師云穿過牆壁



裏進云一切蠢動含靈皆有佛性爲甚狗子還无佛  
性州云爲它有業識性故作麼生清端的師云教身  
露影進云上來分明蒙其宗今日有問狗子還有佛  
性也无和尚如何祇對師云去非清顯界進云恁麼  
則昔日趙州今日和尚便礼拜師云能知如此  
乃云久雨已晴處處曬服皮草曬服皮草即且致明  
見天日一句試道来看若无人道得山僧今日失利  
擊拂子下座

半夏上堂僧問結制已過半九夏炎炎日木人汗不  
乾如何生清凉師云脫却鴟臭布衫進云与麼則六  
月賣松風人同然无價師云个个秘在形山進云記

得雁居士參問江西馬祖云不与萬法爲侶者是什麼  
人慧旨作麼生師云咽喉出氣得也未進云祖云  
待汝一口吸尽西江水即向汝道意在那裏師云騎  
聲入耳進云居士於言下頓領旨還端的也无師云  
早知落第二機進云可謂親言出親口師云且退且  
退

乃云約日月知晝夜約晝夜知時節个个常情也只  
如天地未剖文彩未彰已前還喚今日作半夏即是  
不作半夏即與草王丈六六月不熱五穀不結

上堂僧問南山起雲北山下雨此中親切處願聽  
揚師云千里萬里轉霧霈進云恁麼則把斷要津去



也師去打水魚頭痛進云仰山謂香嚴云如來禪許  
師兄會祖師禪未夢見在未審意在何裏師云蠅何  
見進云如何是如來禪師云靜處婆娑訶進云如  
何是祖師禪師云鍊輪蹄不進云如來禪与祖師禪  
相去多少師云迦之南譚之北進云首个則且置作  
麼生是和尚禪師云大坐須弥頂上進云不因猊子  
徑爭到葛洪家便禮拜師便喝

乃橫拄丈云若從者裏便去山河大地齊聳額卓王  
丈一下云若從者裏便去森羅萬象尽放光又畫一  
畫云從者裏去底亦作麼生請各各歸寮舍自摸索  
看

七月且上堂僧問落括一葉天下報秋个中端的若  
為相酬師云釋迦勒退後二千進云今日方知眉  
毛橫眼上口鼓在鼻下師云認却鞍橋作阿爺下領  
進云記得雲門上堂云一言總幸千毛同散該括微  
塵屑大化門之說若是衲僧合作麼生忽有問  
云豈永河頭賣進云若將祖意佛意這重意  
一路平沉迷有人道得麼道得底出來意旨作麼生  
師云河裏失錢河裏撿進云時有僧問如何是超佛  
越祖之談門去師云如何辨端的師云如何辨端的  
進云僧云這个有什麼交涉門云酌然有什文師  
此意如何師云和賊納款進云古人底且置不容祖



意佛意乞師指出曹溪一路師去壁立萬仞進去既  
放下佛祖猶是事奈何六祖何師去且去國前語隨  
去不因天目近爭識斗牛寒師大毫  
乃去者氣未去嫩涼初生秋意未深白雲清淺德山  
際際為其平地與交會歷歷云云意武村漢節而似  
其小然僧問聖制已圓秋風滿口正与麼時如何  
我師云何不別問僧云恁麼則有意氣時添意氣  
不風流也風流師云南海波斯鼻孔龜僧云記得  
三聖別雪峰透網金鱗以何為食意旨如何師云到  
即不點僧去峰去待汝出網來向汝道又作麼生師  
云點即不到僧去聖云一千五百人善知識話頭也

不識意在那裏師云无限村僧換之為則僧云  
老僧住持事繁如何委悉師云鵝羽落水魚皆死  
云若有人問金鱗以何為食未審和尚作麼生  
祇對問云云云云云云云云云云云云云云云云  
出大過便禮拜師云誣人即得  
乃六四月十五一  
今七月十五  
一十遠雲飛有佛  
走過禹元十  
袈裟隨物作三  
正与麼時  
實别有  
勞在  
靜



子云四風一陸來波幾片

集幸王祖演和尚生於一處頭角四蹄全出尾巴  
不其出不得師拈去五  
不到底何故何官无私

次日上堂僧問三月  
與林正和尚如何  
洞山云兄弟初秋夏末直須向方里无寸草  
旨作麼生師云餓狗鬬  
門便是草又作麼生師云把緊投衙僧云洞山問去  
大唐國裏能有幾人意在邪裏師云也須遭人點綴  
僧云古德垂示且置和尚如何教人去師云下坡不

走快便難逢僧云青山綠水草鞋底明月清風持杖  
頭師云錯

乃去會則途中受用移身不移步不會則世諦流布  
移步不移身即便恁麼去未到山僧行履處何也雨

謝兩班侍者上堂登山須倚杖渡海須上船若要扶  
豎法門必須得有班序之禮溫茶一手掛扇兩手奉  
搦始得既得其人後亦作麼生良久云獻佛不在香  
多

上堂橫拄丈六山僧昨夜三更入臨睡三昧者个挂  
杖子超前言曰某甲會些子禪要且來日初一說一



大志  
三十一  
句子布施諸人去伏望和尚慈悲莫奪此願以為幸  
山僧去也何妨你作麼生說拄杖子云八月一日天  
中節赤口白舌隨時滅山僧大呵淨好知言只以  
此一句子金輪法輪並轉佛道和道云呂佗便禮拜  
去諸人且道喚作山僧說即是喚作拄杖子說即是  
若作拄杖子說山僧今朝說若作山僧說拄杖子昨  
夜說若能定當雲取碧洞露滴蘭葉其如未然卓  
至丈一下

中秋上堂尋常驚怖禪和家及乎到中秋節下浮雲  
於陰晴強貪觀天上月問著其中吟吟吟十個有五  
雙便道月皎夜星稀是惟才性罷富貴堂也未得入罷

寶室何故滿船明月一竿竹家在五湖歸去來  
上堂去聖時遙人多懈怠逆則生瞋順則生愛且道  
作麼生是无懈怠无瞋愛處巖上白雲巖前綠水  
重九上堂一句新一句新汾陽一句又重新靖節相  
逢不相識重陽九日菊花新

問爐上堂僧問法昌今日開爐行脚僧无一个聚泥  
像而說法山川改觀還真恠力乱神麼師去一點水  
墨而家作龍云云丹霞燒木佛有什麼道義師去  
起迦東院西進去龍寶今朝開爐不聚泥像不燒木  
佛行脚僧有幾個師去普天普地進去轉凡夫為賢  
聖抑賢聖為凡夫則不无和尚離者二途請師端的



師去將知不圓前話進云瀉山向火次問仰山終日向火因甚无暖氣仰作向火勢瀉云子只得物解能所未在意旨作麼生師云要家醜揚外進云仰云某甲只如此和尚作麼生瀉亦作向火勢仰云和尚只得物解能所未在瀉云如是如是如何醜別去也師云錯墮此機進云幸世尽言父子唱和兩口无一舌師大龍象蹴踏非驂所堪進云若有人問終日向火因甚无暖氣和尚對它作麼生道師云炙手助熱進云和尚与古人莫止一般也无師云大海若知是百川應倒流進云与麼則三冬古木花九夏寒岩雪師云生薑終不改辣進云烹火和煙得擔泉帶月歸便

禮拜師云叱

乃去人人有个火種只是深埋冷灰用之不得今朝風頭稍硬且爲諸人撥起以主文畫一畫去會与不會各各歸煖家商量

上堂昨日有人面前打筋斗今日有人背後作問訊但觀非親侶疎非疎你等諸人作麼生辨別

冬至小參僧問親面相見不在多端龍蛇易辨衲子難瞞如何是師云端前臘師云永山鼓云進云機輪轉處作者知迷師云切忌上頭上頭進云記得慈明今日出榜書三圓九卦云若人會得不問以威儀中意在那裏師云頂上无骨領下有鬚進云首座



一見玄和尚今晚放參又作麼生師六何誰知此節  
進云千峰勢到岳邊止万派声歸海上消便禮拜師  
云好領取著

乃云徧界不曾藏處方是時人難避避時節恰似半  
夜被烏雞左右之向甚寒辨明直得陰去陽來雪  
寒冰冷吾家大用觸處繁興豈敢逐洞山圖圖開底  
之狂解雖然如是諸人且道貴其耳孰与貴其眼卓  
三丈一下

次日上堂否極泰來坎去離到底事彼彼一齊用得  
最妙只有无陰陽之地少人踏著忽然踏著不妨和  
雪泥

謝秉拂上堂了臨濟賓主句子續香嚴澤布重吟看  
不佗是曠蕩也有巴鼻也有來由且一代藏教之中  
還有者个時節麼卓主丈丈我現實堪當為證明  
上堂僧問學人見山不言山見水不言水時如何師  
云三步可易五步應難進云和尚只恁麼何異諸方  
師云碩石互礫開之必汙進云一句不進兩句不退  
有誰等閑籠豈我來師云汨梁下尾生奚言抱道士  
進云若不是遇老師幾乎賺過一生便禮拜師云直  
往與与麼放過却不可

乃云一滴水一滴凍曹溪路上少相逢寒山拍掌拾  
得笑南山燒炭北山紅擊拂子下座



佛成道上堂僧問菩薩今夜成道否之名如來只如  
見明星未審明什麼事師云青寥寥白的的進  
去莫是住一宿在眼空花亂麼師云娘生個舌  
頭進去學人若向此去和尚還許也无師云僧不  
如挂杖進去因甚昔日不肯今日師云只兩頭  
走進去若無此話爭辨老子端的師云我教你辨  
倒進去心不負人面無慙色便禮拜師云古今惟多  
乃去澄月映徹眾星燦朗个中无釋迦阿誰當成道  
卓主丈去屎上更加尖

上堂臘雪連天白寒風逼戶寒失却口不問你拈得  
鼻孔來看如无人拈得擊拂子云忽然撞著來時路

始覺從前被眼瞞

除夜小參僧問舊年送不去新年迎不來新舊本  
无情去來豈可擬師云我且愛你向下閤頭上行進  
去記得僧問香林万頃荒田是誰爲主林云看看臘  
月尽意旨作麼生師云鍊券難分付進去來日定是  
大年朝有何祥瑞師云家家爆竹家家燒錢

乃云日日東出日日西入一出入自循環逗  
到臘月三十日村裏打祭鬼波山唱樂神歌人人  
帶二之風个个稱太平之時况衲僧家半夜見日  
頭問誰辨新舊只管大坐當軒眼眼相照分歲雖然  
荒涼不烹鳳髓其中清味勝佗金齏何故擊拂子去



雪寒北嶺梅香南枝

復雪寶拈拄杖云頭上是天脚下是地眼前綠水  
背青山衲僧道我會也忽騎驢入尔鼻孔裏牽牛  
入尔眼睛中又作麼生商量師云當季若有人出眾  
喚老和尚待雪寶才擡頭道更詣印文便歸衆去直  
饒以方投規自然函蓋相應

正且上堂僧問元正啓祚萬物咸新好不時節願聞  
法要師云相逢共賀万季慶進去喚作新年頭事  
耶亦是自已消息師云一有多種二无兩般進去与  
麼則大德播四海龍寶滿一天便禮拜師云闍國咸  
知

乃云日  
何也卓主丈去月建寅寅斗柄指戌

元宵雪下上堂拈主丈卓一下云一燈百千燈明暗  
雙雙底時節又卓一下云百千燈一燈夜深共百千  
巖雪所以道有時前照後用有時後用前照有時照  
用同時有時照用不同時又卓一下云且道是照是  
月各各自辨別

上堂龍寶无伎倆只是不喪目前機忽得冰消雪霽  
自然見梅腮柳面奇喚之以作禪道佛法處處春山  
應聽子規參

佛涅槃上堂僧問世尊云我若謂滅度非我弟子我



苦謂不滅更亦非弟子必竟如何領略去也而六醉  
後即當無入他處去與麼則莫今日即有明日即无  
麼師云知恩者少習道者多僧提起坐具云學人只  
頃者个作出尊和尚喚者个為共有為後是无所去  
狗齧教書

乃去釋迦老子於奇龍成葉之中截得唯一堅密身  
名之為涅槃真常樂老人向一榮一枯處相見何如  
波旬舞法華雖然迦葉豈不是偷羅國人乎  
佛誕生上堂毗嵐園中无憂樹下金蓮生地紅蓮平  
坦日甚天台山高華頂峰低會得我今濯沐諸如來  
不曾淨智莊嚴功德聚擊拂子下座

結髮小參二千季前雲山百万大衆見地三為解打  
野狐世尊拈出一个膠漆子个个刺腦打入澄潭身  
心成熟慧身謂之茶是護生剋期取證二千季後中  
華藥類創舉來弥繁弥昌而觀時之所卜嫌於頭  
巾吹市廣自古自今遐迹自別龍寶英傑之徒九  
夏道聚之義恰雜似勺水豢龍自是有一件透不過  
事不同小小總進前退後墮坑落堙且道是那一件  
事卓至丈一下

復幸洞山因僧問寒暑到來如何回避山云何不向  
无寒暑處去僧云如何是无寒暑處山云寒時寒我  
聞寒熱時熱殺聞梨師云洞山老漢小慈如大慈若



是德山臨濟門下終不可認駟鞍橋作阿爺下頰  
次日上堂僧問慈抱子歸青嶂後鳥銜花落碧巖前  
伊有結制安居底道理也无師云豈不見道以大圓  
覺爲我伽藍進云恁麼則頭頭是圓覺伽藍猶物即  
平等性智師云直說與麼去作吟謁之子進云記得  
雲門垂語六十五日已前不問你十五日已後這將  
一句來意旨作麼生師云半幅全封進云正當十五  
日請師垂指示師云月白風清進云只如道口日是  
好日莫有坐斷千差底麼師云韶陽得你不墮風規  
進云此是古人爲人愛不涉古今如何商量師云八  
十箇窮人行進云千峰勢到每邊止萬派聲歸海

上消便禮拜師云親會始得

乃太龍寶有百味珍羞尋常不敢拈出之今日方是  
結制須布施諸人去以之爲休糧方以願九旬空疎  
喝一喝云切忌崑崙吞

謝秉拂夏齋上堂天有三光其明高遠以被群機地  
有五味其德廣大以保万有諸人要知其功所歸麼  
良久云禾山打鼓雪峰鞦韆

上堂僧問目前无法門外車馬鬧浩浩意在目前屋  
頭松竹冷青青師云時節難逢進云記得雲門示衆  
云拄杖子化爲龍吞却乾坤了也山河大地何處得  
來意在那裏師云莫教皺皺鱗鱗進云已吞却乾坤



了也拄杖子爲甚落在和尚手裏師云物歸有主進云昔日雲門与今日和尚相去多少師云出頭天外看誰是我般人進云始知一條拄杖兩人扶師云誣人之罪

乃拈拄杖卓一下云恁麼恁麼如空裏打槓又卓一下云不恁麼不恁麼佢水中捉月要兩處收功天晴日頭出又卓一下

重午上堂僧問文殊令善財採藥財云尽大地无不是藥者此意如何師云崑崙巖生鏤僧云善財拈一草草度与文殊殊云此藥亦能殺人亦能活人拈驗在那裏師云黃蘗樹上主木蜜僧云學人通身是病

作麼生醫師云病得頭愈僧云直饒与麼猶墮在圓覺四病作麼生得獨脫无依去師云早知你不能病得僧云快哉快哉今朝天中節時清道泰門安戶靜師云許你一句相當去

乃云今日端午節諸人直須明得明德消殞天行百怪除却佛病祖病蓋只是所以妖不勝德且道如何是明德擊拂子云歸依佛法僧

半夏上堂僧問九句已過半雲山翠色深現成公案无處回避此景此時願聞法要師云放你三十棒進云古人有一則因緣許學人咨參也无師云佛不奪衆生願進云臨濟因半夏上黃蘗見和尚看經濟云



我將謂是个人元來是指黑豆老和尚意旨作麼生  
師云水上推胡蘆子進云濟住數日乃辭去磔云汝  
破夏來不終夏去未審如何辨端的師云殷勤送別  
滿湘岸進云濟云某甲暫來禮拜和尚樂遂打趣令  
去是什麼心行師云令不盡行進云濟行數里疑此  
事却回終夏意在那裏師云古今能有幾人進云一  
人在途中不離家舍一人在家舍不離途中是甚麼  
道理師云鍊牛擎出黃金角進云与麼則達磨不來  
東土二祖不行西天師云能知者須能用

乃云結制已過半水牯牛鼻孔數寸長諸人只与麼  
上便知二六時中不走作儻或離跋扈辟无析揚

可用參

上堂僧問六月十五天下毒熱一機一境尽落今時  
不涉唇吻如何通津師云退後退後進云浮瓜沉李  
積雪爲山見成公案迥絕多端豈不是清凉世界師  
云心不負人面無慙色速道速道進云黃龍有三關  
語還許答參也无師云劈開華岳連天色進云我手  
何似佛手意旨如何師云開拳作掌進云我脚何似  
馱脚又作麼生師云履齒印蒼苔進云如何是學人  
生緣雲師云响嶺峰頭神禹碑進云和尚一一祇對  
的的分明只个三關爲一爲三師云謝你答話進云  
与麼則會三成一易會一成三難師云將謂問事漢



進云恩大難酬便禮拜師去錯

乃橫主丈云炎炎六月紛紛雪下只个好時節觀著生眼花雖然如是卓主丈云不因射鵰手誰識李將軍

七月旦上堂僧問暑雲散空涼氣滴秋好不時節願聞提唱師去劈腹剜心進云便恁麼去時如何師云車不橫推進去向上全提缺壁银山放開線路墮坑落澗聲師去且須踏上頭關進云乳峰示衆云法身有三種病二種光一一透得始是穩坐意在那裏師去不喜舊路逢人進云雲門出衆云庵內人因甚不見庵外事之作麼生師去爲己鎖者多爲他鎖者少

進云不因夜來鴈爭見海門秋便禮拜師去好看好看

乃云雨洗炎威秋意清滴風到梧桐擊蒙最的的的人焉瘦哉閃電之機轟霹靂擊禪床一拂子

解夏小參僧問秋風颭颭過界清凉時節已至其理自彰此節此景如何是其理師云三十季後此話大行進云与麼則現成公案迥絕商量師去依稀似曲總堪聽進云記得僧問雲門初秋夏末前程忽有人問如何祇對門云大衆退後意旨作麼生師去眼裏无筋一吐負進云僧去過在什麼處門去還我九十日飯錢來意在那裏師去對牛彈琴進云恁麼時節



大德

鞋兩文錢進去不行尊貴路爭踏上頭關便禮拜師  
去且看脚下

關無故人

通鑑信師拈去大隋古佛雖善其機及乎打鎖扣枷

流請辨經

看師去淨手裝香進去雲門云關如何透得師去泊



手鎖斷進去此三大老各出隻手扶樹翠巖用雲莫  
止一般麻師去道者不自由進去虛堂老子道只解同  
心不能同志又作麼生師大吉凶不上卦進云寶山  
今夏与元弟更出西歸有毛挂梵天与翠巖相去多  
少師去奇秀雲雲進云一句迥超千聖外松蘿不  
与月輪齊便禮拜師云喫

乃橫主丈云有佛處不得住无佛處急走過卓主丈  
一下云莫孤負趙州老漢不然靜處婆娑詞

上堂卓主丈云若識得者个三出諸佛呵之若不識  
得者个歷代祖師叱之何也風從八月涼靠主丈下  
座

中秋上堂拈主丈卓一下云昨夜十四有此月今宵  
十五有此月昨世人嫌此月此月猶以有所缺今  
宵世人賞此月此月圓以无所缺此月无有圓缺心  
世人將同缺分別今別取相不能泯隨造隨作自生  
滅若要得遠離生滅无相光中須休歇且道无相光  
中作麼生休歇擲下主丈下座

上堂雲鴈度翠微暮葉落庭陰幾回老眼晴雲爲箇  
頭傾鉢鉢裏天沙更有人眼裏著淚珠去在

重陽上堂上堂九日東籬下菊蕊黃酒仙酒  
羅獨醒者過在求英賢何故豈止麒麟登海嶼酒  
義出自曹李擊拂子一下



開爐上堂幸瀉山問仰山終日向火為甚元暖氣仰  
山作向火勢師云瀉仰父子不妨冷靈靈把火實山  
門下只要个个暖氣相洽何故拈起死柴頭且向无  
烟火

上堂拈拄杖云弥勒真弥勒分身千百億卓拄杖云  
時時示時人時人自不識靠拄杖下座

十一月旦謝英都寺上堂寒風匝地寒鴈橫空辨玉  
正按磨磚旁提頭頭都顯露物物總現成何故蓋是  
英靈衲子只為向事上見

因雪上堂少林立鰲山坐為相逢不相知趙老卧罷  
公指只要知而故犯若是我這裏直說銀碗裏盛將

來也是老鼠引生薑參

冬至小參僧問冬至前後砂飛石走頭頭合轍家  
逢原學人上來請師指的師云觀機无改路進去与  
麻則石笋拄枝鏡樹生花師云大家好看進去只如  
諸方今夜堆盤滿釘是同是別師云黃金自有黃金  
價進去德山小參不答話有問語者三十棒此意如  
何師云你若來得棒頭有眼進去趙州小參要答話  
有問語者要將一問來又作麼生師云不是冤家不  
聚頭進去和尚小參要答話不要答話師云不是与  
人難共聚進去畢竟二大老用零与和尚用處豈止  
一般麼師云莫粘作一堆進去學人今夜小出大過



便禮拜師云好去好去

乃云六父既窮陰魔口珍一陽來復吾道大亨直得  
釋迦老子鼻孔遼天樓至如來腳踏地驚忽相逢  
合掌擎拳互相慶賀道亞歲令節万物重新未徹者  
徹未到者到伏惟人人起居万福大眾若聽得者个  
說話青色光明雲若幸得者个說話白色光明雲且  
道兩處俱通底亦作麼生擊拂子云來日定是書雲  
節

復幸僧問雲門如何是法身門云六不收拈去諸人  
一向与麼領相逢不出手其或未然前頭更有雲在  
次日上堂拈拄杖云只个片田地四時不消長古今

為如此今古一陽生卓主丈一下

因雪上堂諸人未來者裏記得山僧為人句子及乎  
到來者裏問著个个忘却因甚如此良久云只因雪  
上加霜

上堂眾寶齊寒擁山帔月高枯木霜禽睡明覺雖是  
為一代之龍門爭奈坐在无事甲裏何也良久云屬  
月苦寒風雪吹急急抽身已是遲

除夜小參僧問新底不知舊底已往舊底不知新底  
已來新舊不相知物物正對偶還端的也无師云三  
十三天二十八宿進云如向爆竹未鳴已前更有一條  
活路又作麼生師云山門頭合掌進云如何是轉身



大從  
靈師去佛殿裏燒香進去昔日北禪烹露地白牛今  
歲和尚今夜將什麼與諸人今歲師去細細思量  
進去怎麼則大眾飽德去也便禮拜師去也如金毛  
獅子

乃去舊季今夜去去去都是舊曆日新季今宵來來  
來齊是新鮮季文頭結尾家家生涯是別日緣時節  
蒙蒙大用現前便見龍寶山頂仰之无際大德門下  
瞻之无垠豈帝乎時清道泰自然得和氣霽然正當  
怎麼時與諸人保愛底一句作麼生道擊拂子去腸  
雪連天白春風逼戶寒

復幸香林因問萬頃荒田是誰為主林云看看萬

月尽山僧不然若有人致此問來只對他道大坐當  
軒且道與古人是同是別具眼禪流請分緇素

歲止上堂僧問鏡清因僧問新季頭還有佛法也无  
清去有此意如何師去天高万象正進大明教又答  
无有優劣也无師去海闊百川朝進去僧去如何是  
新季頭佛法清去元正啓祚万物咸新如何至悉師  
去南地竹北地木進去鏡清道有明教道无和尚又  
作麼生師去有意氣時添意氣得風流處也風流  
乃拈拄杖去鳳曆開元日王春肇始時祥雲翻空瑞  
雪滿地從攝佛祖大教成熟入天性命諸人今是此  
中人不妨隨物作主隨處納祐卓主文一下



上元上堂僧問人問堂天上月有明有暗有圓有缺請師端的師云巧星一條鍊進去龍潭吹滅紙炷德山大增光輝見在明中在暗中師云狗咬殺書進云上座則發光輝去也師云阿誰不來恩乃去朶朶放金蓮重重懸珠網紙撚无油底莫鑿壁偷光拈拂子下座

佛涅槃上堂僧問謂滅非弟子謂不滅非弟子如何見得為佛弟子師云杜鵑啼處花狼藉進云今日則有明日則无今日既道有向何處見世尊師云一任問山僧進云与麼則明日何无師云不妨答阿你進云四眾各啼泣雲門為甚麼道打殺師云為狗守其

主進去愛之欲其生惡之欲其死和尚又作麼生師云常用其機進云恩大難酬便禮拜師云呌乃去擲出雙趺如日明人間天上誰截鵲時流若具波旬眼舞袖猶須在柳梢喝一喝下座

三月半遊山回謝首座維那并龍翔塔主上堂幸長沙一日遊山歸門首首座問和尚什麼處去來沙去遊山來座云到什麼處來沙去始隨芳草去又逐落花回座云大似春意沙去也勝秋露滿芙蓉師云奇哉怪哉兩口一舌山僧數日來遊山回來首座不必要問山僧不必語它不是无其卜意只慎綱令有人何故為祥為瑞龍鳳翔



上堂豎起拂子云西天四七東土二三尽向龍寶拂  
子頭上打筋斗諸人還見麼若也見得不妨雨中見  
杲日其若未然擊拂子云德山羅漢

佛誕生上堂僧問老胡今日出母胎未審本來面目  
灤師云東山西嶺青僧云恁麼則雨洗風磨自鮮新  
一盆香水爲誰潑師云將此深心奉塵刹是則名爲  
報佛恩僧云世尊下生牽枝引蔓如何是直截根源  
一句師云薰風自南來殿閣生微涼僧提起坐具云  
爭奈有者个師云有則有到你无僧放下坐具云還  
端的也无師云三十季後面熱汗出  
乃云黃金讓采琉璃凝翠龍寶手裏有杓柄不同當

日溫凉水擊拂子下

結夏小參僧問聲前一句不墮常機禁足護生當圖  
何事師云鳳非竹實而不食非醴泉而不飲進云西  
天蠟人冰凍土鍊彈子東之高閣和尚今夏一百二  
十日以何爲驗師云僧堂裏佛殿前進去望見資福  
刹竿便回脚跟下好与三十此意如何師云車不橫  
推進去望見雪峰便參主事又作麼生師云庭前養  
勇終待驚人進云必竟還有結制安居底時節麼師  
云鍊九元縫罅進云和尚今日小參爲守舊規別有  
新條耶師云崑崙劈不開

乃云恒薩阿竭有善大規範二千季前爲百万鳳毛



後代兒孫不忘基本力之以呈个漆器苟得其人則不踞圓覺伽藍不恭平等性智手碎缺山足跨巨海尽格外玄機用納僧作略未為分外苦也有个被競競底漢長期一百二十日內眼眸不護開脚不護躍以阡陌為井塹以聚落為茅坑由盖相應方圓相投乃是剎位撰吾門優尊也敢問諸人此兩種禪和那个親那个疎擊拂子云道著道不著且於三條椽下摸索

復幸雲門因僧問如何是清淨法身門云花藥欄僧大便恁麼去時如何門云金毛獅子師古者僧若是作礼而去須見雲門出人全機雖然如是黃金自有

黃金價終不和沙賣与人

次日上堂僧問竺土老子恐他害命為渠結制謂之禁足豈非个一著弄巧成拙師古鳳林吒之進古須弥那畔大洋海底一時走徧當有此漢出来和尚如何教它制禁師古且坐喫茶進古記得雲峰領衆到浮江問古欲寄二百僧過夏得否浮江以拄杖畫一畫古著不得還端的也无師古寬家結得進古一畫底齋師古舌頭拖地進古著不得又作麼生師古勞力不少進云有人道寄二百衆過夏未審和尚容它也无師古莫向淨地上病進古如何是和尙一句子師古退後退後



乃云衲僧家氣宇如王祖佛俱不容今朝因甚坐在  
二千季前影子裏卓主丈去豈他不待月池成自自  
來

端午上堂拈主丈去文殊要藥善財採藥維通其機  
爭似我這裏个个大安樂卓主丈去切忌求无病藥  
靠主丈下座

上堂得之而蹉過不得之而不及雖然如是三十季  
後此語大行始得以拂子擊禪床下座

半夏上堂今朝相逢等閑問過人人解道今日半夏  
阿呵呵阿呵呵山僧与麼道是衰諸人是貶諸人卓  
主丈一下去六月賣松風人閒恐无價

上堂幸菩薩於樹下而坐天龍八部梵釋四王悉以  
歡喜於空中踊躍讚嘆時第六天魔王宮殿自然動  
搖心大懊惱乃念言沙門瞿曇今在樹下端坐思惟  
不久廣度一切超越我境界今往壞亂之乃俱无量  
眷屬圍繞菩薩發大惡声震動天地菩薩心定類无  
異相怡然不動不驚猶如獅子蒙虎詔教是諸魔見自  
然散壞而去大衆尊降魔不无只之月如來得故  
其力下全吾衲請家用祖師師降伏衆魔亦作麼生  
以拂子擊禪床一下云看看諸魔寒膽裂道充忽起  
昇

上堂至道无難唯難揀擇忽拈主丈卓一下云者个



曼龍寶挂杖子三進与棟擇在什麼處又卓一下去  
但莫憎愛洞然明白

上堂出界恁麼爲什麼看雲亭上炎威到不得若  
人識得者人道理三十季後得一日頭白

七月且上堂一葉落天下秋一塵起大地收時節難  
遇難提掇霎轉可流般拂子下座

解夏小參僧問昨見岳楊綠今逢落葉黃聖制周圍  
事願更聞本揚師去有意氣時添意氣進去兄弟一  
更不犯法令來口期滿東去西行賞勞言薦又作麼  
生師去家家門路通長安進云瀉山問仰山子一夏  
不上來在下面作得个什麼仰去鉏得一片畚種得

一籬粟竟在那裏師去父子取火夜遊進去爲去子  
不虛過一夏意旨作麼生師去末後爲初進去仰去  
和尚作得个什麼爲去日間一食夜後一寢如何辨  
端的師去兩口一舌進去仰去和尚亦不虛過一夏  
道了吐舌擲師去知跪乳之礼進云爲云子何得自便  
已命如何領略師去得而不說進去忽有人問着和  
尚今夏事又如何祇對師去徐行歸斷流水而然  
觀鳥出飛禽跡進去不因夜來鴈爭見海門秋便礼  
拜

師乃去秋風吹玉管知音不住青霄之外秋月照寒  
輪光輝尽塵刹而照絕全放全收古路有誰踏著一



擒一縱動客聲色威儀矧亦諸人一百二十日終不  
虛拈起放筋來日期滿聖制周圓各各得從脚跟下  
去不妨踢倒須弥立乳滄溟雖然如是忽若見雲  
出海龍宮震切莫誦多地夜化何故抖擻多幸安  
納襪襪一半逐雲飛

復幸翠巖真示衆去一夏已來与兄弟說話  
看翠巖有毛在麼保福去作賊人心虛轉却對  
長慶去生也車不橫推雲門去問父羊子證三大老  
各雖出隻手奈何未出翠巖閑挨子只如不落它圈  
續一句又作麼生一峰雲片片双礪水潺潺

次日上堂僧問長期已滿布袋頭開月白風高无非

秋色師大洞房深處說私情進去學人便怎麼去時  
如何師去雨過夜塘秋水深進去与蒼則直頭向万  
里无寸草處去師去貪程太速進去可謂一夏不虛  
度然師去赤土盡欺其進去一声雷震清颺起天  
上人問無事處和礼拜師去何處不清凉

乃去一夏安居与諸人取證山僧多是昏沉今  
朝漸開眼一諸人遊山僧渾身是汗所以道佛  
子應不待人公假去問到刺草步頭莫創幸

中秋上堂僧問月曹溪指月意旨如何師去  
牛頭溪西頭四進上寒山子底又作麼生師去崑崙  
爵生鎖進去大沙在什麼道生死岸頭事試甄別看



師去和盤惟以夜光珠進云恁麼則天上人間未出  
此光影中師云與他同音作用音僧提過生且云者  
个是無出光影中未出光影師云師云已過洞  
窟湖

乃去藥嶠破雲笑王老拂袖行寒山不惹无口稜長  
沙无由从此行檢點將來尽是在光影裏作活計何  
早也

上堂拈主文去當拈色中无失色時拈无相中不碍  
有故摩磨師祖无端走到東山去州却還向山僧手  
裏藏身諸人若見得上大人上乙已若見不得化三  
十七士卓主六下

重陽上堂今朝重九節東籬菊已花對景思陶令登  
高憶孟嘉止道其中意又作麼生擊拂子云相逢共  
賞此菊茶

上堂拈子把鉏頭步行騎水牛傳大士用尽平生伎  
倆六道得胡兒无賴底苟山僧不肖要按牛頭喫草  
莫教叢葉霜飛秋意深

開堂上堂奉趙州示衆云三十季前南方火炒頭有  
个无宜主話直至而今无人奉著師云咄你只要炙  
手助熱誰家官裏人无煙卓主火一下

上堂是法住法位世間相常住為拈主文卓一下云  
者个是龍寶挂杖喚作是法入地獄如箭喚不作



是法亦入地獄如箭是故世尊苦口便道待住法位  
三字雖然如是又卓主丈一下云寒風凋敗葉且喜  
故人飯

冬至小參僧問群陰剥尽一陽復生正与麻時相  
僧如何轉身師云鍊輪碎石進云陰陽代謝四序變  
遷止致只如卦文未分風塵未動時又如何師云万  
里一條鍊進云恁麼則一氣不言含有象万靈何處  
謝元公便禮拜師云逢人莫錯舉

乃云有物先天地鍊鏈擊不碎无象本寂寥夜合而  
晝開能為万象主擁之而不聚不逐四時凋撥之而  
不散恁麼恁麼雲頭泥牛吼不恁麼不恁麼云門木

馬嘶金不博金水不流水且置書雲今節个个保愛  
順時納祐底一句又作麼生尋拂子云律管知寒結  
紋線長

復孝僧問古德如何是冬來事德云京師出大黃師  
拈云巖竇宵寒擁山帳月高枯木霜禽睡寶山著此  
兩句為寶竭力為主竭力具眼禪和請辨端的  
次日上堂時臨坐歲節留書云三氣不言鍊樹開花  
初爻无象万彙尽彰正与麼時活脫納僧如何受用  
去卓主丈一下云一冬与二冬相逢不出手

祐德禪寺佛堂供養陞座師拈香云此香非從天所  
生非從地所生非從虚空所生從檀主信心生根苗



蟠大明之表條幹茂至陽之清藝向炉中仰祝  
帝道遐昌俯祈香花敷榮

師就座云聲前領旨已犯祖令句後兼當法不相繞  
不涉二途莫有解問底齊僧問甘蔗流蜜利在  
場高發利生因師大誰不兼恩進云卓然  
無阻古今肯重事請師不悵一句師大  
云直下講得更不回頭亦作麼生師大實校夜  
晴月進去昔日須達建獨園精舍出尊為群生說  
法今日檀越造祐德禪寺請和尚為四眾演法其益  
還有優劣也无師去无有優劣進云今日檀越造此  
禪苑与昔日須達建彼梵剎其功又有多少也无師

云无有多少進云正法末法時吳佛法僧法名殊為  
甚其功得等同麼師去洞中山色四時好雲外溪声  
一樣寒進云与麼則生生須奉輝心鏡廓照塵勞信  
有餘便禮拜師去也何妨

乃云千聖靈機列祖命脉嶺上白雲巖前綠水亘古  
亘今透色騎声青寥寥白的的難捉掇霎轉是風流  
迤于德山行棒臨際行喝雪峰輟毬禾山打鼓齊是  
恁麼時節只露目前些子所以山僧歷山渡水得得  
而來開堂演法為大檀信開運添德增壽增福亦不  
出者个且道必竟其功皈何處擊拂子云國清才子  
貴家富小兒嬌 叙謝不盡



又云至道曠遠幽致虛凝佛佛以之匡持祖祖以之保護其要只在利度群有隨處作主脫躰現成隨物能轉苟得其人則匪啻自得靈然為慈悲動於中隨順菩薩行願豁開本有光明截斷濟五趣之貧兒高低普應前後无虧遇緣即宗无滯一隅所以大檀越具廣大知見有堅固信力運出自已家珍建立奇麗禪苑安置佛僧紹隆法寶丁于五濁惡世中人无至信時發无比之大願成見聞之巨益能為殫殫之依託最作漂沉之要津以所集功課酬二親之幽靈薦蓮開於上品遠請山僧來贊揚其功德若論其功德山僧未開口已前其功廣施其德偉被矧亦雪裏巒

山以儼淨刹之勝境風拂寒木而唱念法之妙音正當占麼時个个无尽刹刹塵塵悉是展无量壽佛之慈顏不可說不可說頭頭物物現信心不二之全躰一心多心一劫多劫圓三身四智偏八解六通五眼融通无処而不鑑十力滿足无邪而不摧具足一切攝受菩提智智清淨无别无斷深入大陀羅尼妙門任大不可思議境界有如是作用如是奇特如是威光如是吉祥山河大地草木叢林情与无情同与果上无高无下發大機大用得大安大樂諸人要見此事麼竹有上下節松无古今青

辛丑年初成道於普光寶殿不離道樹上須弥山頂



帝釋宮帝釋化作一寶坊爲說十住法門師拈去世  
尊半夜日頭出帝釋日午打三更若是山僧開堂底  
天平地平卓主丈一下便下座  
上堂拈主丈云拄杖子有三件長案第一疾程朝到  
三天暮飯東土第二妙言一句截流万機復則三  
巧通變作龍上天作蛇入草若人善識得還我話頭  
來

佛成道上堂僧問我佛弃万乘尊榮受六季饑凍忽  
親明星豁然成道未審成何道師云鼻孔掛上唇僧  
云世尊說法大梵天王以金色波羅花獻此意如何  
師云報恩須是還知恩人僧云世尊拈起頭示大衆

惟有迦葉尊者破顏微笑意旨作麼生師云二處爭  
時其勢不生僧云世尊云吾有正法眼藏分付摩訶  
大迦葉又作麼生師去說向愁人愁殺人僧云今日  
和尚說法有人獻花未審如何顯示師云也爭奈不  
得破顏人

乃云坐吉祥之座切要覓木樵子換眼睛及乎見明  
星果然將指就謂從此起定賣弄大地山僧直得暗  
地裏點頭請禪德你如解點頭底取次不敢背牛畔  
之供

因雪上堂譬如大地一片雪見底謂之白踏底謂之  
冷只如不見不踏底又作麼生道以拂子敲禪床一



下

除夜小參僧問一季三白六十日交頭結尾別有生  
涯如何得大用現前師云頂上无骨頭下有髮進云  
北禪今夜烹露地白牛今歲檢點將來正是殘五冷  
肉和尚將什麼施設大衆師云大家在這裏進云三  
陽交泰万彙亨定是來季番麥熟便禮拜師云不妨  
道著

乃云季窮歲尽結角羅紋木馬飛上天泥牛走入海  
誰管陰陽变化氣候遷謝大底鼻孔向下垂多季曆  
日不相干所以道日日是好日時時是好時交頭結  
尾別有生涯擊拂子云天淨不知雲去處地寒留得

雪多時

正旦上堂僧問元正啓祚万物咸新衲僧門下有何  
祥瑞師云方袍圓頂進云与麼則季季是好季日日  
是好日爲什麼還得有新年有舊師云一回拈出一回  
新進云可謂堯風舜日和氣鬪然樵唱漁歌共樂豐  
季便禮拜師云方知你是識其言

乃云日暖風和百花競發人傑地靈色足可觀且道  
其中慶賀事作麼生卓王丈伏惟个个道解起居  
万福

无宵上堂我見燈明佛本光瑞如此眼中瞎子面前  
人寶山未嘗說會与不會个人莫向燈影裏轉身擊



拂子下座

佛涅槃上堂不許无過身之供喫工巧之和羅飯胡  
乱賣峭非知其時鳴伊鳴伊季季二月是仲春  
三月且上堂昔草先生苦節後生好蚕麦熟天平地  
平忽有此漢出來道和尚与麼說話為是佛法是世  
法耶山僧向住持揄道三月无三卯田家必飽  
上堂春山青春水綠不是目前機亦非目前事且道  
必竟是什麼擊拂子云常憶江南三月裏鷓鴣啼霎  
百花香

大德語錄終

筑州太宰府萬季崇福禪寺語錄

侍者

宗貞

編

山門門頭實地个个踏著因甚諸人随我入得喝

一喝佛殿前佛後佛隱顯非一咄不因新長老證明知佗

一對无孔鎚

土地堂護法先須識得主人公阿誰是主人公扣齒

三下云東西南北一等家風

扣齒堂者一隊老漢惜乎坐在者裏提起坐具云若

不行此令誰敢得扶起

方丈橫主丈云閑中主能解与木兮黃州為骨薄云



莫胡亂供次去業王入

拈帽溫潤之文格調之氣直饒初被豎頭奚以讓爲之義

山門疏成言拈語成語言如何苦何官不容針法座諸人與作三座子山僧喚作者个座子何故一步云只爲到与麼地

師墜座拈香云此一瓣香爇向炉中恭爲祝延

今上皇帝聖躬萬歲萬歲萬萬歲

陛下恭願

龍齒永固玉葉弥芳

次拈香云此一瓣香爇向炉中奉爲征夷大將軍增

崇祿筭伏願高贊域中之德長提塞外之令

又拈香云此一瓣香爇向炉中奉爲大檀王筑州大空門泊都督司馬增崇祿筭伏願弱威風於千歲

輝佛日於万世

拈香云此香爇向炉中供養前住巨福名山建長禪寺先師敕謚圓通大應國師南浦和尚大禪師用

酌法乳之恩

師歛衣就座云明鏡當臺明珠歷掌要分妍醜者直下來相見有麼有麼時有曾問綠樹陰濃夏日長樓臺倒影入池塘師去時節難逢僧云和尚薛帝里皇帝留之更向甚処通一路來師云鎮船水上



浮僧云寰中天子敕尊師六誼不義恩僧云与麼則  
杲日翳天清風匝地師云大方无外僧云記得保壽  
闍黎三聖推出一僧意旨如何師云白雲深处金龍  
躍僧云壽便打又作麼生師云碧波心裏玉兔驚僧  
云若忽有人推出一僧如何祇對師云風光可愛僧  
云者个且置今日還有禁足安居底道理麼師云大  
家在者裏僧云十五日結制則不問即今一時結去  
看師去寥寥綠楊堪繫馬僧云恩大難酬師云能  
有幾人僧礼并

師乃云世尊拈花迦葉微笑君子愛財取之有道正  
法眼藏從此流通近代傳持受虛接響激揚鏗鏘

坐斷古今珠回玉轉八面玲瓏迄于其大機門應大  
道无方一寶一王擒縱擗捩收放明暗電轉星飛窮則  
變變則通青於藍寒於水聽教撻拔威音那畔蕭然  
空劫已前况亦清風明月多雅興白雲流水寬詩綠  
四海九州雷動風行演歌雅唱共賀太平正當与麼  
時人人禁足護生人人剋期取證 皇恩佛恩一時  
報了底事又作麼生擊拂子云版圖遠奏堯天闊万  
物呈祥樂 聖情

復峯三聖道我逢人即出出則不爲人與化道我逢  
人則不出出即便爲人師云二大老可謂深隱处黑  
朱隱处赤若之山僧底天平地平卓主丈下座



當晚小參僧問三月安居九旬禁足則不問遠離花  
洛親到高峰一句如何師去八角磨盤上裏走僧去  
和尚住此山以何安衆師去山色夕陽落泉聲中夜  
後僧云与師則大衆飽喫茶也師去无限清風來未  
休僧云德山小參云答話有口話者三十棒意旨如  
何師去去得來不得僧云趙州小參要答話有口話  
者置將一問來又作麼生師去來得去不得僧云今  
夜小參要答話不要答話耶師去出頭天外看誰是  
我般人僧云三大老用處真止一殷麼師云教你休  
也不肯休僧云若如此則一即三三即一師去叫叫  
僧去學人今夜小出大遇便禮拜師去撒手擲邊去

乃云今夜要与大衆有个見面之語各各切宜起倒  
分明陵王溪畔此君亭邊諸人知有未得做主崇福  
匾字件件數目山僧做主未辦大毫既一其居爲甚  
受用不同還會麼所以道欲識佛性義當觀時節因  
緣明朝却是結制安居之辰个个成熟慧身坐底立  
底靠著磬著自然不得孤負者个便卓王丈一下

復率雲門因有官問佛法如水中月是也无門云清  
波无透路師拈云以答見問問最可以問見答答未  
奇且道諸訛在甚処具眼禪流請辨緇素看

次日上堂我个一衆与尋常不同跳出金剛圈透  
栗棘蓬激電神機雲飛騰到既而如此今朝因甚要



行不行要任不住選會麼擊拂子云塌薩阿竭二千

本

五月且上堂僧問声前薦得未是作家喝下兼當猶是鈍漢爲什麼如此師云不離筭斜出岸懸花倒生進云猶是學人疑家師去鳳林叱之進云記得僧問投子如何是十身調御投子下禪床立意旨如何師云頂上无骨進云又問九聖相去多少投子亦下禪床立意在邨裏師去額下有額進云若有人問如何是十身調御如何祇對師去眼中童子面前人進云上來一一指示今明爲人底一句又作麼生師去三十季後自悔去亦不定

乃云崇福有三訣若參得第一訣許你拄杖頭上挑日月若參得第二訣不妨拂子頭上打筋斗若參得第三訣我且問你山前麦熟也未

端午謝檀家爾寺齊上堂僧問今朝五月端午不用書符咒土請師現量法門一句直下至論師去一峰雲片片變剎水潏潏進云家无白澤之圖又作麼生師去將記要問話漢進云善哉此等文章珠底時節且置天澤三轉語還許學人咨參也无師去鑽之是仰之是進云已取未明底因甚將虚空作布袴著師去脛无毛股无肉進云劃地爲牢底因甚透者个不過師去脚下荆棘深數丈進云入海算沙底因甚針鋒



頭上翹足師云覺築著你鼻孔麼進云恁麼則金殿  
譚禪大悅 呈情岳峰聲道奔走納子也未爲分外  
在師喝云非阿你境界進云錦上鋪花又一重師云  
喫

乃云端午天中節諸方咒土書壁以消妖怪認抹  
藥模樣落草以作伎倆爭如我者裏有不忘靈山付  
囑之人忽展妙術之手拔貧做富一衆个个石人之  
機鎖漢之用風吹不入水洒不著諸人要見此人麼  
卓主文云切忌當面諱却

和泉和尚至上堂僧問長松嶺頭風颭颭飛瀑岸前  
水潄潄現成公案大難大難如何履踐師云好向大

難裏履踐進云恁麼則薰風自南來殿中生微涼師  
云認驢鞍橋作阿爺下頷進云和尚有三訣一一許  
咨參也无師云何妨問將來進云若參得第一訣許  
你拄杖頭上挑日月意旨作麼生師云虛空迸裂進  
云若參得第二訣不妨拂子頭上打筋斗又如何師  
云山岳起舞進云若參得第三訣我且問你山前麦  
熟也未意在邨裏師云眼睛烏律律進云若个三訣  
必竟明得什麼邊事師云金香炉下鍊冤崙

乃幸與化見同參來喝底公案師云古人只要就價  
高處炙鷄其管賞之義崇福今日得和泉和尚亮訪  
事事自然幽蓋相應何故擊拂子云覓火和煙得擔



泉帶月飯

退院上堂衲子從來无定迹天涯海角任情遊一毫  
頭上薜蘿華洛三鼓聲中出九州

崇福語錄終

洛陽龍寶山大德禪寺語錄

此橫岳  
本耕

侍者

惠眼

編

七月旦上堂秋雲清  
淡秋水清冷東西與南北觸處  
嫩涼生且道其中事作麼生卓  
主丈云四海隆平煙  
浪靜斗南長見老人星

解夏小參隨家作主結聖制於橫岳山頭立處皆真  
解賞勞於龍寶峰頂此事不相謾時不孤負人破衲  
逐雲飛草鞋隨路轉充足先應露脚頭是通宵何必  
落堦山驀直之途轍慕流葉不肯之道伴雖然如是  
山僧有親切一句子各各分明善爲靈靈不得忘却  
便卓主丈一下



復年文殊三度夏公案師云文殊當季於列聖眉  
三事雖藏得渾身二千季後未免遭人點檢何故學  
拂子云雲在嶺頭閑不徹水流磬底太忙生

次日上堂風到梧葉露疑撞花无寸草地不較其多

莫教語默逢人對回首忽然是月華

八月且上堂八月初一日天下太平節人人樂无焉  
个个災難絕且道因个什麼如是卓主丈一下云今  
一節

中秋上堂拈主丈卓一下云靈山指者个曹溪語者  
个我者裏不指不語還有親疎也无又卓上下云无  
人知此意令我憶南泉

膈八上堂澄月映徹衆星聚朗个中无悟処世尊何  
悟道卓主丈一下云二千季前二千季後

除夜小參日一上月一上晝一上夜一上窮到一十  
二个月數到三百六十日謂之新舊交頭除夜結尾  
諸人若使身在舊季不發新定機也使心在新季失  
却本來用所以北禪真露地白牛祖翁挑半宵之燈  
雖然如是山僧終不入与麼窠竈何故腸雪連天白  
春風逼戶寒

復率僧問香林万頃荒田是誰爲主林云看看明月  
尽師拈云此个時節最是可愛來日定六季一衆須  
保愛



正旦上堂鳳曆開元日王春肇始時雪寒北嶺梅香  
南枝好个好時節龍天須匡持且道以何為驗卓至  
丈一下便下座

元宵上堂僧問今朝上元節寥寥掛燈毬意旨如何  
師云風吹不入進云只將此正言以祝天下春師云  
如言之漢進云記得僧問香林如何是室內一盞燈  
以意如何師云言鋒冷似冰進云林去三人證龜作  
蟹又作麼生師云利舌硬如鍊

乃云燈燈相續燈燈无窮寥寥列夜光珠頭頭半夜  
明符只此光輝底都從者裏普擊拂子一下

佛涅槃上堂僧問今宵夜半世尊入涅槃兒孫以何

時法乳師云杜鵑啼斷月如畫進云与麼則解知恩  
報恩師云也何妨進云世尊昔在靈山會上拈起一  
枝花此意如何師云万里一條鍊進云迦葉獨微笑  
意在那裏師云金不博金

乃云我若謂滅度非我弟子我若謂不滅度亦非我  
弟子當奈若有人道生薑終不改辣非但救得釋迦  
老子也須扶得一會列聖何故良久云紅霞碧雪籠  
高低芳草野花一樣春

三月旦上堂山花開似錦澗水湛如藍堅固法身太  
无端大龍何處靈心所諸人見得不无因甚不解幸  
得擊拂子云又逐流鶯過短牆



上堂一即一切一切即一拈拄杖卓一下云三祖大師  
无端穿却巷入花街忽然逢著陶身語喃喃辭雲入  
乱峰入掌低頭道揭諦揭諦是什麼道理諸人各辨  
別又卓拄杖下座

佛生日上堂僧問釋迦老子今日初下閻浮四衆臨  
筵願聞法要師云斧頭元是鍤進云普微滴露楊柳  
籠煙真身瞿曇具面目麼師云莫認駝鞍橋作阿爺  
下頷進云出尊初生下時周行七步一手指天一手  
指地是什麼心行師大鍤丸无縫鍤進云舞天上天  
下唯我獨尊不是傍若無人麼師云佗後有雲門一  
棒在進云雲門棒頭還相當也未師云焦磚打著連

底凍

乃云指地指天稱獨尊顛言倒語卒難論金容万德  
有誰看徧界堂堂常獨存雖然如是一杓惡水更難  
放過以拂子擊禪床一下

結夏小參僧問結制已前月白風清豈不是成就  
身底時節師云刺破眼睛進去結制已後風清月白  
向其處寒剋期取證師云三生六十劫進云今夜小  
參緊要一句不落結制前後願聞提唱師大勘破了  
也進云和尚布縵天網子籠絡衲子忽如有透網金  
剛圈底漢亦作麼生羅籠得陀師云森森夏木杜鵑  
啼進云恁麼則可謂隨處作主立處皆真便禮拜師



云且坐地商量

乃云鵝護雪脯人冰古今結制榜樣衲子禁足風規  
三月九旬內於七尺單前澄澈身心成熟本智情与  
无情一齊安居无前无後同時寂定謂之以大圓覺  
爲我伽藍身心安居平等性智若其逐境走作随物  
紛拏无有此要正与麼時本色行脚師僧又此保社  
不入此保社擊拂子云金屑雖貴落眼成翳

復峯僧問雲門如何是諸佛出身要門云東山水上  
行韶陽只要个个以鍊鑊爲戶牖去山僧不然若有人  
問如何是諸佛出身要便對它道鸞峰山色青更青  
且道那个親那个疎分明辨別看

次日上堂僧問樹頭紅錦林下綠暗好个時節請師  
提唱師云万里一條鍊進云恁麼則薰風自南來殿  
閣生微涼師云見之不取思之千里進云今朝尽是  
護生安居營箇何事師云著黑衣護黑柱進云如朝  
行西天暮飯東土還有禁足令麼師云我者裏喫作  
走作漢進云學人今夏依附和尚有何方便師云只  
此一問從何來進云若不登樓望焉知滄海深便礼  
拜師云何必

乃云今日是結制一衆各禁足眼畔重千斤堂裏伸  
兩脚是个什麼道理三條棍下摸索

上堂僧問學人心猿未穩意馬奔馳願示方便師云



鍊掟无孔進云与麼則把斷更津去也師云又与麼去也進云記得巖頭問德山是凡是聖意在耶師云石從空裏立進云山德山云何聖會師云火向水中焚進云若有人問和尚是凡是聖聖師云九九八十一

乃率僧問洞山寒暑到來如何回避山大何不向无寒暑處去僧云如何是无寒暑處山云寒時寒殺閻梨熟時熟殺閻梨山僧不答若有人問如何是无寒暑處只對化道靜處薩訶且道那个親那个疎諸人各辨別

端午上堂僧問今朝正是端午節家家掛艾虎处处

浴香湯和尚應節一句願聞提唱師云黃鶴樓前鸚鵡洲進云怎麼則山自青水自綠師云隨處搜漢進云記得文殊令善財採藥財云信手採来无不是藥此意如何師云暗漢乱統作什麼進云善財拈一莖草變与文殊文殊云此藥亦能殺人亦能活人又作麼師云上走天下是地

乃云今朝端午節无妖亦无怪不假善財藥人人自爽快擎拂子下座

半夏上堂僧問一夏已過半崑崙壽生鍊半夏已後又如何復踐去師云晨朝粥齋時飯進云已前已後且置正當今日直闡指示師云頭頂天脚踏地進



云記得僧問智門蓮花未出水時如何門云蓮花意  
旨作麼生師云水洒不著進云僧云出水後如何門  
云荷葉還端的也无師云風吹不入進云出水与不  
出水相去多少師云何不向老僧問將來進云移花  
魚蝶至買石得雲饒便禮拜師云呼

乃拈拄杖云六月不熟五穀不熟今日爲諸人熟之  
熟之卓拄杖一下云已熟已熟後如何擲下拄杖云  
天平地平

上堂僧問火雲燒空普天炎熱向什麼處正得回避  
師云迦葉門前風凜凜進云學人今日脫却鶻臭布  
衫去師云淨裸裸地一句作麼生道進云記得馬大

師一日陞堂百丈出捲席意在那裡師云方木投圓  
孔進云大師便下座飯方丈又如何師云清風直吹  
生進云和尚今日上堂无人捲席豈不是无事而去  
師云養子不及父家門一世負進云捲席与不捲席  
擲个是親那个是疎師云苦哉佛陀耶

乃云大通智勝佛十劫坐道場佛法不現前不得成  
佛道既是坐道場因其佛法不現前擊拂子云子望  
万里一條鍊

上堂一葉落天下秋是家无不風流若記得个時節  
終不將語默酬且道是阿誰分上事喚大眾云還覺  
頂門獨立麼



解夏小參僧問學人一夏已來波波拏拏過了剋期  
取證事請師爲證明師云嫩涼秋意入簾籠進云恁  
麼則可謂光陰不虛度師云直饒你實度也何是進  
云記得雲門因僧問初秋夏末前程忽有人問如何  
祇對山大衆退後意旨作麼生師云崑崙謬生鍼  
進云僧云過在什處門云還我九十日飯錢來又  
作麼生師云平出進云前程問過事即且置即今和  
尚如何勘過師云不消一拶進云柳栗描搨不顧人  
直入千峰万峰去便禮拜師云脚下泥深

乃云秋初夏末季熱未散自恣賞勞个个无欠隨  
時應節无不漏逗就理就事无不現前軒知會則途

中受用如龍得水不會則吐諦流布偈紙羊觸路必  
竟与麼去步步清風起佛手遮不得人心偈弄閑路  
頭踏著不曾瞋万里神空頂後相雖然如是只如雲  
門道還我九十日飯錢來是阿誰今上事擊拂子云  
不因樵子徑爭到葛洪家

九畝

次日上堂僧問衲僧家四月十五結他不得七月十  
五解他不得必竟向什麼處安身立命師云須弥南  
畔閻浮樹進云与麼則西風一陣來落葉兩三片師  
云矮子看戲進云昔有老宿一夏不爲師僧說話有



僧嘆云我只麼空過一夏不取望和尚說佛法得聞  
正因二字也得意旨如何師去拋却黃金捧鉢輒進  
云老宿聞去聞梨葉墮連若論正因一字也无道了  
扣齒云我无端恁麼道又作麼生師云二十八日進  
云隣壁又有老宿問大好一釜羹被兩顆鼠齧却  
意在那裏師去同病相怜進云和尚一夏已來說什  
麼法為人師去山青水綠進云攪長河為酥酪變大  
地作黃金便禮拜師去也何妨

乃幸趙州因僧薛州云有佛处不得住无佛处急走  
過三千里外逢人莫錯奉僧去与麼則不去也州去  
摘楊花摘楊花師去摘楊花若无後語須是道人點檢

何故風從八月涼月自七月明

八月且上堂拈拄丈云月月初一无雨為吉今月初  
一有雨為吉且道吉在甚處卓拄丈一下云吉吉吾  
道最吉靠拄丈下座

上堂西風一陣來落葉兩三片銅鉢著生鏤佛祖渾  
不辨不辨不辨諸人且道那邊

重陽上堂僧問今朝是九九日也師云冬賞佳辰衲僧  
門下不隨常機應有一句願聞法要師云秋晚頗  
寒个个万福進云只如採菊東籬下悠然見南山底  
未審和尚如何證明師云刺破眼請進云古德云重  
陽九日菊花新又是呈什麼道理師云謝荅話



乃云採菊東籬下悠然見南山靖節只知其愛不知  
其用今日重九作麼生用得擊拂子云三三三三三  
二

上堂率有官問雲門佛法如水中月是不門去清波  
无透路官去和尚從何得門去再問復何來官云正  
与麼時如何門去重疊關山路師去雲門官不容針  
官人私通車馬點檢將來兩俱失利何也自從賢聖  
法來未嘗殺生卓主丈下座

開炉上堂无賓主話十八高人一回率來一回是新  
及乎問其意旨太半便道不知最親阿呵呵只要炉  
下煖侶春

上堂南山松北嶺雪夜雨晝晴太平得節達意  
土二祖行西天行脚禪和子莫失卻目前喝一  
上堂一切諸佛及諸佛阿釋多羅三藐三菩是法身  
從此經出忽拈至丈卓一下云勸君尽此一盃酒西  
出陽關无故人

冬至小參僧問葭莩飛灰繡紋添線不涉陰陽造化  
願聞法要師云八角磨盤空裏走進去無家則岸脚  
未開眼庭前先去花師云好与麻去這去記得僧問  
百丈如何是奇特事丈云獨坐大雄峰還端的也无  
師云把定要津不通九聖進云僧禮拜又作麼生師  
云不撥破須上進云丈便打如何理會師云依令而



行進云古人則且置即今問和尚如何是奇特事如何祇對師云三十季後面熱汗出進云不入虎穴爭得虎子便禮拜師云爲我將得來者

乃云六陰謝盡一氣方生鐵樹開花石笋抽條納僧定者向者裏轉身來自然妙妙燥燥得失是非一昨放却也是省錢易飽底事古來淨悄悄地爭之不足何須運妄念阿伽明而今多是知時不知節也猶不姑東西南北烏飛兔走直鏡向山僧背後問訊也山僧不敢可攢點頭何故卓主丈云國清才子貴家富小兒嬌

海峽僧問趙州如何是趙州州云東門南門西門北

門僧云不問這个州云你問趙州拈云以機奪機以毒攻毒趙州老漢不无之其奈何八十行脚事猶未全用在若得全用去兒孫滿堂至今繁興

次日上堂僧問霜飛太野風戒林丘普天普地寒威凜烈更向什麼處得回避去師云陽氣發時无硬地進云璚璣未動全機顯露朕兆絕分觀跡現成不涉時師不借言爲親切一句願聞奉揚師云家家觀世音進云慈明揭牌皓老不洗布毘藍換時來早是銅去又矣寶山今日莫別有條章廣師云一冬二冬义手當會

乃云瑞雪滿地祥雲翻天龍寶山頂和氣雪然好不



時節為吾報知一氣不言含有象万靈何處謝无私  
謝進退兩班上堂竿頭進一步大千沙界現全身退  
步就已万中一个而不失蓋是与麼人作与麼行履  
者也大眾要見此人麼雲在巔頭閑不徹水流澗底  
太忙生

騰八上堂僧問釋迦老子六季冷坐逗到噉八夜始  
方開悟去未審悟得个何事師去鼻孔掛上唇進去  
未見明星時已雪山雪白一見明星後又雪山雪白  
這重端的事和尚如何甄別師去鉢九无縫罅進云  
只如有一人發真皈原大地衆生向何處去師去向  
你眼睫上去進云恁麼則可謂劫外一壺春更好優

曇花綻普天香便禮拜師去道即道得

乃大足謂世尊臘月八夜成道是則是取問諸人如  
何是成底道若是識得報恩有分若也識不得擊拈  
子云箇中便三大劫

除夜小參僧問舊歲今宵去向甚處去師去頭上一  
堆進去師去明日來從甚處來師去脚下三尺土  
進云還有不涉新舊底也无師去有進云如何是不  
涉新舊底師去大底鼻孔向下垂進云記得感首座  
問法昌昔日北禪分歲燕露地白牛和尚今夜分歲  
有何施設昌云騰雲連天白春風遍戶寒音作麼  
生師去兩口无一舌進云感云大眾如何笑昌云莫



嫌冷淡无滋味一飽能消万劫飢此意如何師去鬼  
爭漆桶進云感云是何人置辦昌云无慚愧漢來雲  
也不知又作麼生師去彼此出家兒進云古人即且  
豈和尚今夜今歲有何施設師去且待有童行去  
進云大眾如何喫師去不可從鼻而入進云是何人  
豎辨師去衣鉢閣中常相逢進云和尚与麼施設与  
古人是同是別師去許你疑三十季進云鶴飛千尺  
雪龍起一潭水便禮拜師去也何妨

乃云今宵臘月三十夜家家爆竹當結尾或操歌吹  
之音或促鐘鼓之響祝來日新春之吉壽万歲松栢  
之標龍寶山頂人未必不點頭只是終不隨悄然機

豈將等閑風味以供養合山龍象雖然如是与衆分  
歲各各須飽足擊拂子云趙州喫茶雲門胡餅

復率僧問古德万頃荒田是誰為主德云看看臘月  
尽師去大眾要見此僧當頭霜夜月要知古德任運  
落前溪雖然如是靜寥寥婆訶

正且上堂僧問瑞草生嘉運林花結早春好个時節  
願聞率揚師去个个道軒起居万福進云恁麼則之  
正啓祚万物成新師去一句道著進云正當今日大  
本朝如何是新率頭佛法師去風暖鳥声碎日高花  
影重進云僧問雲門如何是清淨法身門去花柳欄  
意旨作麼生師去刺破眼睛進去僧云便恁麼去時



如何問去金毛獅子又作麼生師云兩重公案進云  
即今問和尚如何是清淨法身新華師云千峰雪色寒  
乃云今日大季朝山僧渾解道大衆个个道林起居  
万福且道是佛法是世法卓主文云東西南北吾道  
大亨

元宵上堂僧問今宵蒙蒙揭燈万民共樂和尚爲人  
別起心燈來看師云天晴日頭出進云恁麼則可謂  
光明寂照徧河沙師云不妨道著進云僧問香林如  
何是室內一盞燈林云三人證龜作鳖意在郵裏師  
云罕遇便宜進云与麼則昔日香林今日和尚便礼  
拜師云好去好用

乃云燈燈相續燈燈无已且道此燈從何處來卓主  
丈一下云我見燈明佛本光瑞如此

上堂僧問春山疊乱青春水漾虛碧好个時節願聞  
法要師云莫向雪竇背後問訊進云恁麼則日自暖  
風自和師云休向老僧背後問訊進云趙州訪一庵  
主云有麼有麼主豎起拳頭州云水淺不是泊舟處  
意旨作麼生師云蠅見血進云州又訪一庵主云有  
麼有麼主豎起拳頭州便礼拜讚歎如何委悉師云  
鶻提鵠進云問荅已一般爲甚肯一人不肯一人師  
云看取不落兩頭進云若有人問有麼有麼未審和  
尚如何祇對師云且去喫茶



乃峯三祖大師道一即一切一切即一忽拈主丈大者个是寶山拄杖子阿邨个是一卓主丈一下云只能如此何慮不終

佛涅槃上堂僧問法身无為不墮諸數釋迦老子因甚示涅槃之相師云為涅槃不墮諸數進云古德道十方薄伽梵一路涅槃門且道如何是涅槃門師云日出東夜落西進云五通仙人問世尊云世尊有六通我有五通如何是邨一通世尊召五通仙人意旨作麼生師云平生肝膽向人傾進云仙人便應喏世尊云邨一通尔問我如何理會師云依稀似曲終堪聽又被風吹別調中進云後來雪竇著語云老胡之

不知有邨一通却因邪打正意在邨裏師云无影樹下合同船進云即今問和尚如何是邨一通未審如何祇對師云三跳後

上堂云門云我看諸人二三機中尚不能搆得空披衲衣何益師云山僧不然我看諸人悉是大機大用人剛要作佛何益住住一不做二不休不風流處也風流

上堂春山青春水綠春雲片片春鳥喃喃敢問諸人吾宗門中是放開是捏聚个个皈寮个个提案著

四月且上堂蒼豎起拂子云西天二十八祖東土六祖尽在拂子頭上說心說性論玄論妙山僧忍俊不



禁見怪笑一聲个个面熱汗出諸人還見麼若也不  
見擊拂子一下云滿地落花春已過綠陰空鎖舊莓  
苔

佛生日上堂指天指地墮尊貴滿目青山笑點頭自  
從雲門行令後不風不雲也風流諸人向者裏會得  
不妨報恩有令其如未然靜處婆娑詞

結夏小參僧問看雲亭上月明明古叢松下風拂拂  
見成公案絕遮欄不涉言詮願聞法要師云九九八  
十一進云恁麼則山自青水自綠師云隨後要搜漢  
進云九旬禁足剋期取證則不問七尺單前三條椽  
下學人一夏如何履踐師云眼睜重千斤進云古德

道叅須實叅悟須實悟如何是實叅師云金口口下  
鑊崑崙進云實悟底又如何師云何必進云實叅實  
悟畢竟作麼生師云心不負人面無慙色

乃云言前句後苦報裏難截身向上向下驀拶揜葫  
蘆一箇面終不落好手首尾何處摸万類遠超象外  
迴脫天真是雲雲山溢目鬧市大蟲誰不解見見即  
見因甚文殊頭黑普賢頭白會得三月安居九旬禁  
足循規守矩脚底不帶五色索其如未然靜處婆娑

詞

復峯臨濟示衆云一人在孤峰頂上无出身路公案  
師拈云古來作者弄嶮落草等是難禁只是要須人



人在背後點頭大眾還會麼點頭藍已定全身何假  
周行誇七步

次日上堂僧問如來聖制禁足護生衲僧朝游西天  
暮飯東土學人此間禁足即是游飯即是師大南菴  
大舶主本此土商人進云已道禁足安居因甚文殊  
三處度夏師云曲終人不見江上數峰青進云記得  
雲門示衆云十五日已前不問你十五日已後道將  
一句來意旨作麼生師云什麼處去進云自代云日  
日是好日又作麼生師云倒退三千進云和尚若逢  
韶陽垂示向他如何道師云法堂上寸草不生  
乃云今朝是結制不敢謾却諸人只因現量以率揚

正法眼藏薦拈主丈卓一下云者个是龍寶拄杖子  
阿那个是正法眼若也不會兩過遠山綠靠主丈下  
座

解夏小叅三月安居九旬禁足山色夕陽時泉声中  
夜後圓覺伽藍平等性智竹有上下節松无古今青  
个裏无取證誰成熟慧身正与麼時節衲僧活脫處  
要行便行要坐便坐東西南北无有遮障運弄執提  
全超象外諸人一夏結眉交肩今日何必苦口叮囑  
雖然如此擊拂子云勸君尽此一盃酒西出陽關无  
故人

復峯翠巖夏末示衆公案師拈云翠巖為衆竭力不



少只得个三枚把不住老凍膿若有中郎鑑何同野  
舍薪

上堂真空不礙有真空不異色忽拈主丈卓一下去  
且道是有是不有是色是不色若是刹刹衲僧和水  
喫乳其或踟躇拄杖穿卻鼻孔又卓一下

奉謝大王上將入山下百味佳齋仰合山供養上堂  
僧問日月輪邊氣象高魚龍穴下蟠根固師云好進  
云上將忽入山下來奇齋供養大眾未審和尚說什  
麼法得報此恩師云風行草偃進云恁麼則蘋葉風  
涼桂花露香師云好也與麼去進云只如達磨未來  
已前還有這個消息也无師云銀山鍊壁進云來後

又如何師云鍊壁銀山進云來與未來且置如何是  
這個消息師云鍊壁鍊壁銀山銀山進云學人今日  
小出大遇便禮拜師云撒手卽邊去

乃橫主丈云大士三十二應身天大將軍最是眞摧  
蕩諸障與慶快提持百福救窮貧大眾要會者大  
機大用麼卓主丈云看看巍巍堂堂煒煒煌煌四海  
九州威風凜凜

杓亦採用報謝普請并善源雲和尚上堂拈主丈云  
万仞峰前千仞底者邊堪邊擇良材斧頭用得諸人  
力集此大成相呼回正與麼時作麼生卓主丈一下  
云行到水窮處坐看雲起時



上堂驀橫主丈率肇法師去近而不可見者物性耳  
卓主丈云者个是寶山主丈子阿那个是物性又卓  
主丈云一槌兩當蓋覆將來

宗持禪尼逆修拈香當陽突出迥脫根塵熏炙地  
率躬全真乃佛乃祖由它出氣衲僧已鼻從此方親  
况是宗持大姊借山僧手拈出等閑一見便見自然  
一得永得感生生正果結世世正因馥郁香風清徧  
界霽然和氣恰如春

除夜小參率窮歲尽黑漆桶裏盛墨汁交頭結尾半  
夜烏雞飛上天旂呂師僧家自從空劫已前威音那  
畔一日日未嘗逐一日一時時未嘗隨一時牆壁瓦

與社燈籠背後面前真珠爛熳雖然如是今夜  
與諸人分歲其中為國一句作麼生擊拂子云村裏  
尽好驅難來率定是熟率

復率香林因僧問万頃荒田是誰為主林云看看臘  
月人師去山僧不然若有人發此問便答他道昨日  
相見人忽問是何人劈口便擲

正且上堂僧問率率是好率日日是好日正与寒時  
請師祝 聖師云万率松下有茯苓進云恁麼則万  
民樂業唱謳歌師云好音在耳人皆聞進云記得僧  
問古德新率頭還有佛法也无意在那裏師云舌頭  
无骨進云德云无正啟祚万物咸新的當也无師云



萬然孔裏騎大鵬進云只如古人祇對如何辨別去  
師太風暖鳥聲碎進云一句了然超百億師去富嫌  
千口少進云非但學人四眾咸霑恩使禮拜師去也  
何妨  
乃云今朝大季朝東廊下相賀西廊下相賀喚作佛  
法底拂子与佗點頭喚作世法底拄杖与他點頭且  
道諸人孰与阿師个點頭若於此會得便解山僧適  
來道个个道跡起居万福

二月且為出材木勸下大衆上堂梅腮柳面吐香競  
繁春山春水湛綠疊藍衲子清與時哉時哉許你始  
隨芳草去又須後逐落花回忽回來時如何个个万

福万福侍者急手點将个好茶来

佛生日上堂僧問青春已去朱夏初臨瞿曇今日降  
生此是現成底請師別拈揚師去鎮九无縫罅進云  
二月十五不曾滅因甚鶴林中示雙趺師去天上星  
地下木僧云四月八日不曾生為甚九龍吐水灌沐  
金軀師去九九八十一僧云指天指地道天上下下  
唯我獨尊聲師云芍藥花開菩薩面僧云雲門去我  
當時若見一棒打殺与狗子喫卻却意旨作甚生師去  
因邪打正僧云雲霞云我若見便与掀倒禪求意在  
郵裏師去把手相共上高峯僧云二大老用處是同  
是別師云南山起雲北山下雨僧云上来一一蒙指



示向上宗乘事又如何師便喝

乃拈拄杖卓一下云淨法界身撐天拄地本无出沒  
種瓜得瓜便恁麼領去報恩有分其如未然二龍溫  
凉水

結夏小參僧問綠暗紅稀孟夏漸熱應節一句願聞  
提唱師云薰風自南來殿閣生微涼僧云禁足安居  
誰偈我掛角羚羊不露蹤師云有路可上高人更行  
僧云朝到西天暮版東土是什麼人今上事師去是  
安居底人今上事僧云恁麼則一聲黃鳥青山外占  
斷風光作主人師去邨裏得与麼地僧去松源有三  
句許咨參也无師去何妨問將來僧云大力量人因

甚搥腳不起師去草鞋和露重僧去開口因甚不在  
舌頭上師去不見牙齒一具骨僧去明眼衲僧因甚  
腳跟下紅絲線不斷師去脚頭也脚底僧云學人今  
夜小出大過便禮拜師去向人作麼生拈

乃云西天叢觀東土叢令齊要知有个剎剎漢大  
坐當軒底事克得此事三月安居九旬禁足天不  
得地豈不能日用四威儀中全坐禪色堆上專談  
色堆主宰个中有領覽都墮魔界所以道以大圓  
覺為我伽藍身心安居平等性智警喜警瞋无理人  
新羅夜半日頭明雖然如是諸人切忌刺船入膠盆  
何故良久云綠樹陰濃夏日長樓臺倒影入池塘



復幸德山小參不答話有問話者三十棒公案師拈云盡謂開口即錯動舌即乖殊不知九曲黃河湜底流

次日上堂僧問西天舊令東土共遵諸方依樣畫葫蘆龍寶門下標格作麼生師云莫孤負山僧進云綠水青山元來安居露柱燈籠終日禁足納僧家因甚別立規矩師云嚴師出好弟子進云恁麼則行到水窮處坐看雲起時師云更須子細進云記得乳峰示衆云法身有三種病二種必須是一一透得始解穩坐地意在邨裏師云細想會裏有人進示雲門便出衆云庵內人爲什麼不見庵外事意旨作麼生師云

果然進云峰呵呵大笑又如何師云截身無路進云門云猶是學人疑處在如何委悉師云有淨臣則君不落不義進云古人底且置作麼生是正當今日法要師云水到渠成

乃卓主丈云二千季前有此制四聖六凡都不出者个二千季後攀其例五湖衲子大家在者裏又卓主丈云出与不出在与不在且喜靜處

婆訶

五月且上堂僧問松竹陰陰夏日長好个時節請師提唱師云三千季後莫錯商量進云恁麼則黃鶴樓中吹玉管江城五月落梅花師云人無遠慮必有近憂進云只變大地作黃金捲長河爲酥酪則不無和



尚且道如何是向上宗乘事師云南斗七北斗八進云向下又作麼生師云金香爐下鎮崑崙進云畢竟如何領略去師云阿你全舌去亦可

乃率鼓山問新羅僧上山來作什麼對云礼拜和尚鼓山云尽世不標向什麼處礼拜對云向不標處礼拜鼓山云念你是新羅人放你二十棒師云若若若若尽世不標向什麼處礼拜摸著左右之勢拜得鼓山鼓山若於向不標處礼拜身合掌接得者僧二俱莽鹵你師僧家有什麼救處以拂子擊禪床一下便下座

端午上堂僧問今朝正是端午節昔日善財採藥來

憑據如何領會師云放過一著進云將逢佳辰底莫不盡大地是藥麼師云何必進云恁麼則薰風自南來殿閣生微涼師云可謂諸侯避道進云記得文殊當年出女子定不得意旨作麼生師云雲在嶺頭雨不微進云下方罔明爲甚却出得師云水流澗底木忙生進云文殊爲無神力罔明爲有神力師云釣吳船上謝三郎進云不行尊貴路爭踏上頭關便礼拜師喝云且看脚下

乃云強不用切莫蒲團不要掛靈符勸僧家別在長處消殞尽天下妖怪去直主丈云頭長三尺知是誰相對無語獨足立



上堂何問綠樹布陳濃蘭薇吐晚香正好看雲亭下  
進者雲賞佳景句請師提唱師云問浮樹下笑呵呵  
進云如無寒暑田地如何踏著師云墮坑落堑進云  
恁麼則寥寥綠楊堪繫馬師云踉蹌過也不少進云記  
得古人道大用現前不存軌則如何是大用現前底  
時節師云勘破了也進云与麼則可謂隨處作主立  
處皆真師云雪上加霜進云學人今日親開法要如  
何保任師云踉蹌田不貯水

乃李趙州因僧問如何是趙州州云東門南門西門  
北門僧云不問這個州云你問趙州師云山僧不然  
若未問如何是趙州只向他道石橋度索也未道不

問這個便道待下山去脰裏汗出且道与古人道底  
那个親那个踉蹌請各辨別看

半夏上堂僧問山連嵩嶺地近洛川一機一境無不  
勝藥不涉唇吻如何通津師云心不負人面無慙色  
進云九旬已過半諸人自知時當頭与麼時節學人  
如何領略師云且過者邊進云恁麼則具足羅天清  
風匝地師云放下著進云僧問智門蓮花未出水時  
如何開云蓮花此意如何師云風吹不入進云僧云  
出水後如何開云荷葉又作麼生師云水洒不著進  
云蓮花出水与未出水相去多少師云秦旬幾人踏  
著



乃云半夏已前我爲諸人隱隱而弥露半夏已後我  
爲諸人顯顯而不露正當今日半夏不隱不顯我爲  
諸人說破卓主丈一下云六月已熟五穀好熟  
寺莊等賜公據上堂拈主丈云自家田地觸處  
公驗一回得入手百劫千生不曾荒正与麼時作麼生  
卓主丈云皇風与祖風鎮扇帝道与佛道還君又卓  
一下便下座

重九上堂茱萸帶露金菊發花大用現前不存軌則  
諸禪德若識个中意南山東籬一家家

二月且上堂拈主丈云雪霽千山綠正濃梅腮柳面  
轉縱容爲君擬報个中意幽鳥喃喃入乱峰卓主丈

一下

佛涅槃上堂僧問滿街楊柳綠絲烟盡出長安二月  
天應節一句請師提唱師云寥寥天地間獨立望何  
極僧云瞿曇今日入般涅槃未審向什麼處去師云  
向人人鼻孔裏去還覺麼僧云恁麼則笑底便是笑  
底便是師云將謂你是不領話僧云若謂我滅度非  
我弟子若謂我不滅度亦非我弟子意旨作麼生師  
云黃河點魚僧云不因今日節餘日寬難逢便禮拜  
師云向後向人莫錯

乃橫按主丈云使然出柳事難親有也累人無累人  
驢部州中休不得季季二月黃河點魚喝一喝柳下主



丈下座

龍翔正眼二塔三至上堂寶山有一句子只許人聽不許人幸已是許人聽因此不許人幸擊拂子云辨龍蛇眼俱正擒虎兒機也全

上堂卓主丈云百億須弥百億日月恒沙諸佛恒沙國土尽在拄杖頭上諸人見得不妨一生家學事了畢共如未然開眼瞌睡又卓一下下座

四月且上堂拈主丈云此事無去來因甚昨日春去今朝夏來迄乎道物性任一世聲公也是盲龜入空谷衲僧家牙如劍樹口似血盆到者裏作麼生道著若無人道著以主丈畫一畫云喜

結夏上堂僧問今日是結制結底是何物師云猛虎當路坐僧云恁麼則官池水深看雲亭高師云吾常於此切僧云只將老師兩句子布施七十員禪佛師大只有阿你吞吐不下

乃云是个水牯牛山邊水邊賴自无事今日无端逗入欄裏鼻貫索頭全在別人手裏要行也不能要卧也不能才擬恁情痛加敲策道叱者畜生鳴呼鳴只可自知擊拂子一下

上堂卓主丈云人情若偈者个孔丘打殺顏回道情若偈者个達磨失却少林便下座

端午上堂僧問文殊小男為誰要藥師云古佛廟前



自顛蹶進云善哉童子採來何草師云无根滿地无  
葉普天進云父子得便處千古遭檢點師云你有老  
成之勢

乃云端午天中節不用咒土書壁只以一神呪消殞  
一切妖怪除却佛病祖病且道是那個神呪便振威一  
喝

上堂奉三祖云一即一切一切即一暮拈拄丈云三  
祖大師在非非想天擲下一个木楔子換却諸人眼  
睛忽尔下來旋轉舞蹈恰如獨樂而見諸人不見不  
知高聲唱云龜毛長三尺兔角長七尺卓拄丈一下  
云參

上堂拈拄丈奉芭蕉示衆云你有拄杖子我与你  
拄杖子你无拄杖子我奪你拄杖子拈云芭蕉爲奪  
不无只是搶奪未在山僧尋常向皴皴皴鱗鱗地要尋  
人猶不教得一半在豈况吐出山形過事太遠之遠  
矣卓拄丈一下

解夏上堂僧問三通鼓罷四衆臨筵好个時節請開  
幸揚師云崑崙巖生鎖進云九旬期已滿初僧脚頭  
闊正當恁麼時如何是自恁一句師云柳絮飛花不  
顧人直入千峰万峰去進云記得洞山云空手把金  
鉤直須向万里无寸草處去意旨如何師云雲從足  
起進云石霜云出門便是草又作麼生師云草鞋和



露重進云和尚恁麼答話為是與古人出氣為復與  
古人雪屈師去平蕪尽處是青山道云與麼則一言  
无別路万世尽同歸師去傍觀有今進云只將老師  
四五轉話甘當九夏賞勞之功便禮拜師云可謂南  
北東西皆可

乃卒翠巖夏末示徒一夏已來為兄弟東說西話看  
翠巖眉毛在麼保福云作賊人心虛長慶云生也雲門  
云関師去三大老俱出隻手扶樹草蟲家風龍寶今  
夏不為兄弟說話看眉毛如箭鋒長數寸只是欠  
人覷破雖然如是落霞與孤鶩齊飛秋水共長天一  
色

八月且上堂拈拄杖云向上一路千聖不傳八月初  
一龍寶山前卓拄杖下座

中秋上堂拈長沙與仰山翫月次仰山指月云人人  
尽有這個只是用不得長沙云恰倩你用那山云你  
試用看長沙一踏踏仰山起來云你大偈个大虫  
師去仰山起來道果月不得見尽長沙撼脚不起  
雖然恁麼月到中秋滿風從八月涼聲揚子一下

九月且因

太上

太上

最中是上帝釋迦牟尼佛云天帝釋而化動地

太上法皇恩此其同是別若謂別眼裏无別若謂  
同其意作麼上良久云任任秋色登平楓葉序西風



得空草花天盤掃子一下

這陽上堂接萬法下慈然見南山靖節阿輓處  
作約僧一重開且道他是俗漢陋韻為甚作約僧一  
重開喝一喝云參

上堂山僧即今在須弥頂上說法諸人也走在這輪  
際頂聽法坐底立底實主歷歷還金會處有人方  
界亂地大地在諸人眼睫上放大光明其如未  
頂老山頽醉掃子一下

開爐上堂幸趙州示衆云三十年前南方火煇頭有  
个无賓主話直至而今无人幸著師去趙老面皮厚  
三寸要須炙手助其如爐下偈春何直饒而今有

人幸著方知三个枯柴品字燒

上堂一句去一句來慶快你一平生忽然傾湫倒岳  
入邨裏出邨裏昨夜三更失却牛天曉起來失却火  
卓主丈一下

上堂幸盤山云向上一路千聖不傳慈明去向上一  
路千聖不然師去二大老只解鬼弄漆桶山僧便道  
向上一路千聖齊行

大德語錄終



頌古

淨居於窓牖中叉手

玉困鑑月不期秋夜靜方知波浪別從此相逢路似  
迷崔嵬極特硬如鍊

尔時迦葉告諸比丘佛已茶毗金剛舍利非  
我等事我等宜當結集正法无令斷絕

列三折半信何通回首白雲眼力空鷄足峰前未歸  
去多羅葉上動悲風

行思禪師問希遷云汝什麼處來云曹谿來  
思乃拈拂子云曹谿還有這什麼云非但曹  
谿西天亦无思云子莫曾到西天否云若到



即有也思云未在這道云和尚也須道取一半莫全棄孝人思云不辭向汝道恐已後無人兼當

明暗雙雙絕對揚愁人未說斷愁腸金毛獅子解踞地冤苦蒼天又一場

僧問大随劫火洞然大千俱壞未審這個壞不壞随云壞僧云与麼則随他去也随云随他去

劫火随他喚不回遠離西蜀去還來大千揔等者僧眼古佛光中笑口開

百丈懷海一日謂衆云佛法不是小事老僧

昔被馬大師一喝直得三日耳聾眼暗黃蘗聞孝吐舌文云子已後莫兼嗣馬祖蘇云不然今日因師孝得見馬祖大機大用然且不識馬祖若嗣馬祖喪我兒孫文云如是如是

一喝耳聾天地黑當機吐舌生荆棘兼虛接響意難論兩兩三三好動著

保福長慶遊山次福以手指云只這裏便是妙峰頂慶云是即是可惜許雪竇著語云今日共這漢遊山箇什麼復云百千年也不道无只是少後孝侶鏡清清云若不是孫公



便見髑髏遍野

妙峰孤頂難人到只看白雲飛又歸松檜蒼々歷幾  
歲莫教最畔身聲稀

僧問巴陵如何是提婆宗巴陵云銀梳裏盛  
雪

提婆宗難分節誰道銀梳裏盛雪大地山河一等  
風人間天上蕭洒絕

盤山垂語云三界无法何處求心

千峰雨霽露光冷月落松杉蘿屋前擬寫等閑此時  
意一溪雲鎖水潺々

巖頭問僧什麼處來僧云西京來頭云黃巢

過後還收得劍麼僧云收得頭引頸前云

因僧云師頭落也頭呵呵大笑僧後到雪峰

峰問什麼處來僧云巖頭來峰云有何言句

僧卒前話雪峯打三十趂出

黃巢過後劍難收提去提來傷手憂不是山藤三十  
下梵天餘血五湖流

雲門垂語云古佛与露柱相交是第幾機

白代云南山起雲北山下雨

古佛光中第幾機南山雲外以人知千溪日晚樵歌  
路歸去來兮來去歸

仰山問三聖汝名什麼聖云慧寂山云慧寂



是信聖云我名慧然仰山呵呵大笑 師著  
語云什麼處去也

煦日影中雪 霽春梅腮柳面聞芳新詩緣風內无限  
意獨許苦吟野外人

雲門垂語云乾坤之內宇宙之間中有一寶  
祕在形山拈燈籠向佛殿裏將三門來燈籠  
二

宇宙乾坤同一寶燈籠佛殿形山中青松雪霽岩勢  
晚寒月風清溪畔空

永山垂語云習孝謂之聞絕孝謂之隣過此  
二者是為真過僧出問如何是真過山云解

打鼓問如何是真諦山云解打鼓問即心即  
佛即不問如何是非心非佛山云解打鼓問  
向上人來如何接山云解打鼓

天上星地下木觀樵那肯涉離微明々歷世无別  
物猛烈身心更不疑

仰山問僧近離甚處僧云靈山仰山云曾遊  
五老峰麻僧云不曾游仰山云開梨不曾遊  
山雲門云此語皆為慈悲之故有落草之談  
看々落草不遊山的信何通子思閑敲唱富鉢見禪  
悅一圓空裏二二三

外道問佛不問有言不問无言世尊良久外



道讚歎云世尊大慈大悲開我迷雲令我得  
入外道去後阿難問佛云外道有何所證而  
言得入佛云如世良馬見鞭影而行

不問有言異道事鍊山當面勢崔嵬孤峰雲散千溪  
月鞭影追風直下來

曾祖山寶雲禪師因僧問如何且言不言雲  
云汝口在什麼處僧云无口雲云將什麼喫  
飯僧无對洞山代云佗不飢喫什麼飯  
超然一句錯流布強弄爪牙未作家蕭後路頭端的  
別誰知高處有風波

為山因仰山問如何是西來意為云大好燈

籠仰云莫只這個便是麼為云這個是什麼  
仰云大好燈籠為云果然不識

機意交馳何處去陣雲千里鎖重關大家問著不相  
識堪笑古風匝地寒

江州龍雲堂禪師因僧問如何是祖師西  
來意為云老僧昨夜欄裏失却牛

昨夜欄裏失却牛不風流處也風流枯禪无限喫得  
作祖意西來特地耐

南泉一日東西兩堂爭猶兒南泉見遂提起  
云道得即不斬衆无南泉斬却猶兒云兩  
段南泉後季前話問趙州州便脫草鞋於頭



上戴出泉云子若在恰救得猫兒

兩堂爭處南泉斷王老放時趙老收頭上草鞋多少  
重白雲流水共悠悠

僧伽難提知衆生慢乃曰世尊在日世界平  
正无有丘陵江河溝洫水悉甘美草木滋茂  
國土豐盈无八苦行十善自双樹示滅八百  
餘季世界丘墟樹木枯悴人无至信正念  
輕微不信真如唯愛神力言訖以右手漸展  
入地至金剛輪際取甘露水以琉璃器持至  
會所大衆見之即時欽慕悔過作礼 師著  
語云拈得也未

日暮雲晴空眼界清風况是草離離松根石上与誰  
說月到中峰猶未歸

迦耶舍多尊者領徒到一舍舍主鳩摩羅多  
問去是何徒衆尊者云是佛弟子羅多問佛  
号心神悚然即時閉戶尊者良久自扣其門  
羅多云此舍无人尊者去吾无者誰羅多聞  
語知是異人遽開闔延接

踏斷春風千萬峰蒼苔青蘚鎖靈蹤落花啼鳥夕陽  
裏雲合雲開晚寺鐘

梵摩淨德云弟子衰老不能事師願捨次子  
以令出家



退已進人无可比百千年後有誰知室羅城畔金水上古佛放光動地時

不如密多聞偈再啓祖去法衣宜可傳授祖去此衣為難故假以證明汝身无難何假其衣密多聞語作礼而退

月高松頂孤光冷風弄殘雲梵意寬四海涓涓百川落琉璃殿上夜遊闌

玄沙示衆云諸方老宿尽道接物利生忽遇三種病人作麼生接患盲者拈拄豎拂它又不見患聾者語言三昧它又不聞患瘧者教伊說又說不得且作麼生接若接此人不得

佛法无靈驗僧請益雲門門去汝礼拜起門以拄杖拄僧退後門去汝不是患盲復喚近前僧近前門去汝不是患聾乃去還會麼僧云不會門去汝不是患瘧僧於此有省

盲聾瘧瘕誰能接退後近前指下明多向珍候沉動處不知三種一毛病

翠岩云云示衆云一夏已來与兄弟東說西說看翠岩眉毛在麼保福云作賊人心虛長慶去生也雲門去閑

偷眼才開先下手眉毛生也月方明雲門閑子万重



鎖直至而今絕夜行

監官一日喚侍者云與我將犀牛扇子來侍者云扇子破了也官云扇子既破還我犀牛兒來侍者无對投子云不將出恐頭角不全雪竇拈云我要不全底頭角石霜云若還和尚即无也雪竇拈云犀牛兒猶在資福裏一圓相於中書一牛字雪竇拈云適來爲什麼不將出保福云和尚季尊別請人好雪竇拈云可惜勞而无功

犀牛扇子清風起坐斷清風出氣難破了當年重用去和烟搭在五欄干

雪峯住庵時有兩僧來禮拜峯見來以手托庵門放身出云是什麼僧亦去是什麼峰低頭歸庵僧後到岩頭頭問什麼來僧云嶺南來頭云曾到雪峯麼僧云曾到頭云有何言向僧奉前話頭云他道什麼僧云他无話低頭歸庵頭云噫我當初悔不向他道末後句若向伊道末後句天下人不奈雪老何僧至夏末再奉前話請頭云何不問僧云未敢容易頭云雪峯雖与我同條生不与我同條死要識末後句只這是

同條生要不同死拈却明頭收暗頭從此放身歸庵



去至今簾外地神愁

鴻山五峯雲岩同侍立百丈百丈問為山併  
卻咽喉唇吻作麼生道為山云却請和尚道  
丈云我不辭向汝道吾已後妻我兒孫須問  
五峰峰云和尚也須併却丈云無人要併  
望汝又問雲岩若丈和尚有也未丈云妻我  
兒孫

東街柳色和烟翠西巷桃花相映紅幾度春風晚鐘  
裏遊人著意到寥空

南泉參百丈涅槃和尚丈問從上諸聖還有  
不為人說底法麼泉云有大云作麼生是不

為人說云云泉云不是心不是佛不是物丈  
云說了也泉云某甲只与麼和尚作麼生丈  
云我又不是大善知識爭知有說不說泉云  
某甲不會丈云我太煞為你說了也

從上為人事不空老胡知寒雲抱雪三霜月照清池  
大隨問僧什麼處去僧云和普賢去隨牽拂  
子云文殊普賢惣在這裏僧作圓相拋向背  
後乃張兩手隨六侍者取一帖茶与這僧

遠聞近見一賓主半暗半明孰与揚若是个中全用  
去普賢特地逐亡羊

三角總印云若論此事眨上眉毛早已蹉過



也麻谷便問取上首毛即不問如何是此事  
角云這通也谷乃掀禪床角打之谷无語  
地獄天堂何刺刺機關直下沒應把眾生多變卻難  
得雙坡雙收過新羅

維摩詰問文殊師利何等是菩薩入不二法  
門文殊師利云如我意者於一切法无言无  
說无示无識離諸問答是為入不二法門  
代維摩打出 於是文殊師利問維摩詰我  
等各自說已仁者當說何等是菩薩入不二  
法門維摩默然 代文殊乃唱

不二法門何再說二千三万一齊來當季妙吉親用  
去扶得病翁使口開

僧問趙州初生孩子還具六識也无州云急  
水上打毬子僧復問投子急水上打毬子意  
旨如何子云念念不停流

六識問來難識破趙州老大只麼醉可憐同道實頭  
漢道道念念不停流

京兆米和尚因有老宿問月中斷井索時人  
喚作蛇未審七師見佛喚作什麼米云若有  
佛見即同衆生宿云千年挑核 師別米和  
尚驀口一拳



斷井索子月中為蛇衝氣吐毒跳沫馳波生号佛号  
齊難話多劫潛微歸滅誓不滅磨紫金光聚照山河  
雲門云古人道人人尽有光明在看時不見  
暗昏昏作麼生是光明代云厨庫三門又云  
好事不如无  
九天雲淨衆星微風真何餘一句詩今夜与君无事  
去時人喚作那斯祁  
三門厨庫是光明見不見時難辨別好事元来不如  
无烏鷄半夜啄生鏤

馬大師不安院主問和尚近日尊位如何大  
師云日面佛月面佛

日面佛月面佛三三兩兩太无端二十年来苦辛客  
照絕精微見大難

僧問雲門如何是超佛越祖之談門云胡餅  
覷面胡餅難下口摩斯吒徒入瀛中若回休吐黑雲  
霧寥廓天邊无白虹

百丈惟政神師一日謂衆云汝為我開田我  
為汝說大義僧衆開田竟請和尚說大義百丈便展開兩手

閃電激怒雷馳眼裏耳裏个覷幾昨夜三山三跳後  
北辰鬼谷作擬議作擬議七佛祖師曾未知

平田普岸禪師因有僧到衆門口打一拄杖



其僧近前把住拄杖平田云老僧適來造次  
僧卻打平田一拄杖平田云作家作家僧糾  
拜平田把住云是開烈造次僧大笑平田云  
這個師僧今日大敗也

一向一背不易親互換輪路鼓旗別干將劍未斬甲  
整夏服箭何穿七札鬼哭神悲崖崩石裂還顛蹶師  
僧今日大敗缺

大慈山寰中禪師住庵時南泉至問如何是  
庵中主寰云蒼天、、泉云蒼天且置如何  
是庵中主寰云會即便會莫初、南泉拂袖  
而出

庵中主見還難句裏藏身太无端偷眼暫時休也未  
夜深誰共過關山

僧問藥山平田淺草塵鹿成群如何射得麀  
中麀山云看箭僧放身便倒山云侍者拖出  
這死漢僧便走山云弄泥團漢有什麼限雪  
竇拈云三步雖活五步須死

塵中塵走得三步五步未堪趁虎兇趁虎兇獵人徒  
莫覓坤維

慧忠國師与紫璘供奉論議既升座供奉云  
請師立義某甲破忠云立義竟供奉云是什  
麼義忠云果然不見非公境界便下座



祖風迥振機輪轉幸海瀾忙自沒頭大鵬一幸九万里籬邊燕雀空歌

僧問洞山如何是佛山云麻三斤

木落岩巒終骨冷月斜禪石曉難開寒雲伴來閑不徹飛瀑從佗起忽雷

大祖云不思善不思惡正當恁麼時還明上座本來面目來

五步欵行三步疾莫教正眼頂門開悠々不見庾嶺路脚後脚前歸去來

霍山和尚聞祕魔岩和尚凡有僧到礼拜以木义々著霍山一日遂往訪之才見不礼拜

直入祕魔懷裏祕魔拈霍山背三下霍山起拍手云此老一千里地賺我來便回

當機捉覲尚疾取次用來若為宗个个一千應走卻草鞋跟断起清風

梁武帝問達磨大師如何是聖諦第一義磨云廓然无聖帝云對朕者誰磨云不識

廓然不識有幾人古路橫行鎖嶺烟從此少林深雪裏斷臂刀下別疎親

風穴垂語云若立一塵家國與盛野老顛狂若不立一塵家國喪亡野老謳歌雪嶺挂杖云還有同生同死底衲僧麼



頻感謳歌在一座同生同死憑何人紅霞碧霞謂龍高  
低芳草野花一樣春

南嶽懷讓遣一僧到馬祖處去云但問作麼  
生伊道底言語記將來僧去一如懷讓旨回  
謂馬祖云馬祖云自從胡亂後三十年不曾  
闕語

朝三千暮八百个个放過一著生鍊如和土壤大冶  
可解拈却

頌古竟

拈古

幸臨濟上堂云一人在孤峯頂上无出身之路一人  
在十字街頭亦无向背那个在前那个在後不作  
維摩詰不作傅大士珍重 師云將謂龍頭蛇尾尤  
來只是蛇尾龍頭雖然如是深領指示

幸欽山同嵩頭雪峰到德山乃問天皇也恁麼道龍  
潭也恁麼道未審德山作麼生道德山云汝試奉天  
皇龍潭底看欽山擬議德山便打欽山歸延壽堂云  
是則是打我太煞嵩頭云你与麼作後莫道見德山  
師云可惜許

幸雲門上堂云遇人即鼻孔遼天 師云堪笑這老



漢赤脚上刀山披毛入火聚其爭奈解笑底也少  
李僧問雲門如何是透法身句門云北斗裏藏身  
師云衆生若非法身即非衆生法身若非衆生亦非  
法身透之一字因誰致得直饒是北斗裏藏身可謂  
修羅三目俱伊字  
李雪竇示衆云譬若二龍爭珠有爪牙者不得或有  
衲僧問既是有爪牙者為什麼不得請大衆爲雪竇  
下一轉語 師云其真不學儉富不學奢此是俗漢  
之陋韻却可謂知言也且問諸人二龍爪牙孰与雪  
竇爪牙他既爭珠不得之這老爭个什麼而不得請  
各下一點語

李趙州問投子大死底人却活時如何投子云不許  
夜行投明須到 師云趙州移步不移身投子移身不  
移步雖然兼虛接響爭奈它後卒得者少

李臨濟令侍者傳語德山侍云德山要打人濟云汝  
但去待伊拈棒接住与一送管取不打你侍依所教  
果然不打歸李似臨濟濟云我從來疑著者漢 師  
云蓋是作者勸止衲鬼難測一人向海枯終見底处  
坐斷千生之頂額一人向人死不知心处暗却衲子  
之暗嘆可貴可賤

李雪竇一日問僧你浴未僧云某甲此生不浴竇云你  
浴箇个什麼僧云今日被和尚勘破竇云賊不打貪



兒家 師拈云雪竇老漢才兼文武出將入相今日  
遭拈出一口銚刀子高豎降旗諸人要識雪竇麼一  
種是聲无限意有堪聽有不堪聽

卒風穴因僧問如何是清涼山中主穴云一句不遑  
无著問迄今猶作野盤僧 師云古人恁麼吞棗清  
涼主貶清涼主若是道衰因什麼有不遑无著問之  
句若也道貶它有个什麼過道不遑不貶風穴何必  
有恁麼語話无端觸著獅子哮吼

卒臺山路上有一婆子接待九有僧問臺山路甚麼  
去婆云驀直去僧才去婆云好个師僧又与麼去如是  
既久游僧傳到趙州州聞得云待我去勘破佗遂去問

臺山路婆随例去驀直去州才行婆又云好个師僧  
又与麼去州回云我勘破婆子了也 師云尽謂日  
下挑孤灯殊不知失錢遭罪

卒臨濟上堂云有一人論劫在途中不離家舍有一  
人離家舍不在途中那个合受人天供養便下座  
師云這老漢威容嚴肅衲子到者无不失其卒措大  
家寢默悅仰過日不見道衆人之唯唯不如一士之  
諤諤若是人天供養要擇取一人

拈古竟



大燈圓師行狀

大應國師唱臨濟宗旨於橫嶽萬壽建長也絕乎四  
十年矣其間樞衣者不知幾何師其一也師諱妙超  
宗峰其親也生於播州揖西縣紀氏子父母禱於本  
州書寫山如意輪觀音母夢一僧手携白花開於五  
葉而与之有妊而後如寐而不寤至其誕之時熟  
睡而不知也保母俄聞呱呱一聲往而見之未沐浴  
而肌體瑩潔克岐克嶽頂骨聳立伏犀插額目光射  
人隨面前人能轉顏目五歲時見人發刃於礪云何  
為而作也云貴圖快利云不快利處有快利你還知  
麼其人罔測師呵々大笑觸事以言折挫人差比親



族有諫而欲使住之者拈棒便打鄉黨稱為神童矣  
十有一歲而師事於書寫山戒信律師每屏坐靜觀  
志厭俗塵經書過目成誦一日慨然云假使先六流  
三藏百家異道書爭若入不立文字直指單傳宗未  
剝染而發足至京城并相州參問諸尊宿、雖氣  
吞佛祖底不敢嬰其鋒謁建長老問曰路途死蛇  
莫打殺無底籃子盛將飯意旨如何老曰放下着者  
般底直下便看取師云只如道直下便看取如何老  
擬議師乃喝造乃壽問佛國禪師曰佛法無多子着  
衣喫飯處即是總作怎麼理會早是不是了也國云  
未知怎麼更以前与而今如何區別師云區別區別

則不別國云試區別者師指露柱云喚者个作露柱  
則与昔時迥區不喚者个作露柱則而今已別國云  
豈是佛法師云和尚好个時節國云只与麼受用与  
老僧別師云若見有和尚某甲他日悔去國云平生  
日用处直下道來者師云步步踏着毘盧頂言上勸  
破維摩詰次日又來問云昨日与今日請師辨別國  
云說什麼昨日直道今日事師云雲從龍風從虎國  
云雲未起風未來時如何師云天上天下唯我獨尊  
國云雲門云我當時若見一棒打殺与狗子喫貴國  
天下太平如何師曰一口吞却了也國橫點頭曰此  
語不敢肯師乃喝國亦喝師又喝而出去國遂出門



曰我見多少學者未嘗逢如公俊底宜祝髮披衣揀  
梁吾道師翌日重奏佛國見來曰古人云大用現  
前不存軌則時如何師曰和尚未問以前已現前久  
矣國云在甚麼處師曰夜來在風吹折門前一枝松  
國云如何是在風師搖手中扇子國休去師云狂風  
豈不是扇子國大笑云纔見相似却也蹉了師於此  
服膺矣自歎曰人身難得佛法難遇七賤則貴豈大  
丈夫志遂落髮受具且夕留心於此更一夕坐僧堂聞  
僧隔壁誦百文語云靈光獨耀迥絕根塵舒露真常  
不拘文字葛然有省夜半扣門呈其見解國云既是  
真正見解也宜建法幢立宗旨厥後大應國師應

詔自橫岳來京師館于龍光庵師在相別聞其手段  
辛辣超于京徑詣其室問云學人遠來化下請師  
一接師云老來無力且坐喫茶師云恁麼用去只恐  
不肯國師云你是新到乎知這裏夏師云千里同風  
豈不是君子國師云室中物色你試指出看師云七  
九六十三國師云無慚愧漢來處也不知師云謹謝  
老師以學人托上梵天國師云今日自領出去明日  
事你作麼生師云天際日上月下檻前山深水寒國  
師云一死不再活師便休國師便問五祖演示佛眼  
云牛過窓牕頭角四蹄全出尾已因甚出不得你試  
下一轉語看師云曲心已露國師云如何是曲心師



云挂天挂地国師大笑云与麼空王他日有悔三日  
後師下詔曰松下聽虛声国師云方得相似自今盡  
參莫請不敢退轉国師時卧疾經旬闻方丈止学  
者参问唯師見許参請国師云你是天然衲子也不  
是一兩生参学士国師美 詔住京城萬壽師從之  
侍中瓶国師示以翠岩眉毛在麼雲門云関之語也  
師下詔云將錯就錯国師曰是則是你能於関字着  
精彩他時別須有生涯德治丁未国師赴于相州住  
建長師乃参随至彼未經十日因案上放在鎖子忽  
然打透関字到了因融無際真實諦當大法現前处  
汗流浹背急趨方丈下詔曰絕乎同路国師大愕云

夜來夢見雲門入吾室你今日透関字你是雲門三  
來也師掩耳而出翌日呈二偈云一四透過雲関了  
南北東西活路通夕慶朝遊沒賓主脚頭脚底起清  
風 透過雲関無旧路青天白日足家山挽輪通變  
難人到金色頭陀拱手還 妙超胸懷如是若不孤  
負師意仗望賜一言近擬歸故都莫惜尊意以為大  
幸耳 国師撥筆自書其後云你既明投暗合吾不  
如你吾宗到你大立去只是二十年長途使人知此  
證明矣為妙超禪人書巨福山南浦紹興延慶戊申  
臘月国師示滅心喪既畢歸京而卜居於洛水泉禪  
子觀六七輩則苦自厲至忘寒飢一夕夢有六人僧



於若羅漢居第一位僧云出世時至何不出也師云  
仁義並從貪處斬僧即領而以針針挑破腦後云為  
你挑出貪肉覺後頭腦尚痛焉不絕而去雲居遠居  
城北紫野不立佛殿唯樹法堂洗心子玄惠法印付  
儒者九人奏於朝欲破禪宗禪宗者有奇特真吾僧  
豈敢請儒微詰諸方禪將無有當者諸儒以師云  
而特來問云禪宗手段如何師云以虛偽示真此信  
云聖人有虛言否師云有云既是聖人有甚虛言師  
云不見孟子有之象謂已殺舜了而入宮見舜在床  
琴瑟見象來而喜豈不是虛偽其間激揚鏗鏘問答  
罷儒却問師云畢竟如何決斷此義云之師云舜却

殺象了也諸儒皆稽顙而執才子礼就中洗心子入  
室參禪造詣不淺不勝崇信之至施茅宅而作大德  
方丈今雲門庵是也師氣宇如王人少近傍數年罕  
有為檀越外護者一旦 荻原法皇聞其風而召入  
內 上遣中使告師而欲披道服而除一重坐席談  
話師再三乞著袈裟而對坐一一許之 帝勅佛  
法不思議与王法對坐師奏云王法不思議与佛法  
對坐 上動龍顏一日 上勅問云不与万法為侶  
者是什麼人師搖手中扇子云皇風永扇一日面有  
勅云朕欲以大德寺為朝廷才一祈禱處去師受命  
而云唯々 後醍醐天皇即位如前取勅礼敬弥敦



電恩益渥 帝召才子僧入內 帝問云不与万法  
為侶者是什麼人僧起而鞠躬僧却奏云不与万法  
為侶者什麼人 上以手中珪劃一劃云這个漸師  
上法詔云億劫相離而不相離尽日相對而不相對  
不審是什麼物請聽 綸言帝御筆書紙尾云昨夜  
三更露柱向和尚道了也 上書授槐項賜師云二  
十年來辛苦人迎春不換旧風烟着衣喫飯恁麼去  
大地那曾有一塵又書紙尾云才子有个悟处以何  
驗朕師又書云老僧恁麼驗漸又 御筆書古人節  
用請訖則語問師謹書紙奏對不可勝計 勅洞  
院都護請師入 禁掖就五節所俄設法座請師陞

座面前懸百丈禪師頂相 帝亦於法座右側設御  
榻側天聰月卿雲客皆在於左右前後拈香祝聖  
罷師下法座 帝亦下御榻師奏云臣僧適來許多  
鄙俚言說功飯何處 帝指百丈真云百丈禪師在  
證明師云此外更無人作證明麼 帝便竖起拳  
頭師云与麼則南山朝北闕夜見明星 帝驀目  
而祇揖師鞠躬而出云 皇情大悅次日賜兼金絲  
帛等兩朝特賜興禪大灯高照正灯国師号所賜庄  
田濃州長森橋州小宅三職方并浦上絳州遠山方  
御厨信州伴野紀州高家仍見下官府宣平年中  
南禪虛席 詔下請師再三竟不赴建武初下 給



旨云大德禪寺宜處五山之一也師却而不受之又  
下詔云宜相並南禪淨刹 荻原法皇 後醍醐  
天皇親 宸翰有一流相兼不許他門住湮渭殊流  
貽言於龜華 御製臨之刊之見懸於塔額左右  
荻原法皇自剪 御髮造小塔安於其中被置在靈  
光塔尤邊蓋為結與大燈當今來世香火緣也筑州  
太宰府都督司馬少卿上帖於師請住橫岳山崇福  
禪寺詣闕而以此奏 帝堅留之重敷奏以師翁  
行道地 帝乃允之總作百日主而告退還皈于大  
德寺三轉語示云朝結眉夕交肩我何似 露柱  
盡日往來我同甚不動 若透得个兩轉語一生參

學竟了畢建武丁丑冬一夕召首座德禪開山徹翁  
和尚也曰我化緣已盡衣法并本寺末寺住持職莫  
悉付与你克令子孫接續使不斷絕未免得疾臘月  
二十一日夜書亨首座相從久矣悟徹既人皆知之  
語而授焉又示遺誡於諸才子云我行而後置骨於  
丈室莫別造塔其有以也夫汝等宜委悉二十二日  
午時欲端坐胡床示滅而久有足疾患不克結跏趺  
坐首座出以此為憾語師自以兩手加足於右股  
上左膝傷折血流沾衣至今血痕尚存焉乃書辭世  
偈云截斷佛祖吹毛常磨稅輪轉處虛空咬牙擲筆  
而逝大鑑禪師時住南禪有人傳誦遺偈鑑聞而大



驚云不意日本有明眼宗師也平生欲會面而人皆  
沮止之遺恨不少欲赴茶毗而緣有朝廷祈禱莫不  
能也且遣僧人伺茶毗時至馳報告之乃率大眾出  
山門頭誦經遣侍者二人贈辦香溫中和尚正翁和  
尚也辦香至今為寺什物世壽五十六僧臘三十四  
門人悉遵遺誡親承印可嗣其法者妙心關山和尚  
興德海岸池寺白翁野州了翁長福壁峰金剛日山  
貞庵主可監寺和典座各執一方接引學者師平居  
与物為春無町畦也迄于丈陞堂而秉拂子開室而  
握竹篋以撓攻梳如張良踞足而封韓信是賊知賊  
若孫子滅甯而敗庵洎阿脩羅王托動三有大城金

翅鳥王臂破娑竭羅海談笑而起臨濟於己仆叱咤  
而破雲門之機閑至于極處穿山透石壁鼻孔血淋  
淋有語錄三帙一帙雪竇錄看語有自來矣按夫雲  
門遺誡云吾滅後置吾於方丈中上或賜塔額祇懸  
於方丈勿別營作又遺表云聯叨鳳詔累對龍庭繼  
奉頒宣重疊慶賜師示遺誡准雲門故吏置骨於方  
丈塔賜靈光額沐兩朝寵光優渥嬰足疾患大應雲  
門再誕語絲髮不爽也大應滅後十有九白嘉曆元  
年奉 詔開大德法堂一香供大應二十一年長養記  
荊若合符節入滅統九十年矣夫何門庭冷落子孫  
寢微取謂強弩之末勢不能穿曾縞者歟寔足歎息



應永三十三年童集丙午九月日德禪遠孫小比丘  
禪興謹狀梗槩以備大方尊宿名公銘塔之目云

開山大灯國師語錄板行值心仁世亂壞劫  
時燒失矣今既逮百五十餘歲十二世之  
子系宗玩目衣孟資再刊三帙錄不直半  
文錢若遂他昭覽則人謂家醜向外揚矣  
實元和七年閏年七月日奉寄附于大德

雲門菴

刊云門前宗莊





